



74
6640
37



54
6640
37



五禮通考卷第九十三

內廷供奉禮部右侍郎金匱秦蕙田編輯

兩淮都鹽運使徐承廬見會

李太僕總督蔡懋猷桐城方觀承同訂

直隸按察司副使元和宋宗元

參校

吉禮九十三

宗廟時享

文獻通考宋親享太廟別廟行禮儀注

誓戒

如紹興修立郊祀誓戒儀注惟不置郊社令誓文曰今年七月十四皇帝為登寶位親行朝享太廟別廟各揚其職其或不恭國有常刑

致齋

皇帝散齋七日於別殿致齋三日於齋殿至行禮日自齋殿詣太廟餘如郊祀儀注

木下中也
1991.04
寄贈

91-0717

陳設

竝同郊祀前一日朝享太廟禮惟不設四方客使次及陳諸州歲貢并實俎不以牛止用羊豕

省牲器

儀注如紹興十三年親享唯舊用未後二刻埽除廟內外陳設祭器幣篚三刻省牲饌鼎鑊樂器等今用其日質明

車駕自齋殿詣太廟

其日文武侍祠行事執事助祭官宗室先詣太廟祠所其從駕臣僚竝服常服就次有司進輦於齋殿其從駕臣僚竝俟從駕次禮直官宣贊舍人引禮部侍郎奏請中嚴少頃又奏外辦皇帝自內服履袍詣齋殿即御座鳴鞭行門禁衛諸班親從等諸司祇應人員以下各自

贊常起居次知客省事以下樞密都承旨以下入內內

侍省都知以下帶御器械官應奉祇應通侍大夫以下

武功大夫以下及幹辦庫務文臣一班常起居宣贊舍

人贊從駕臣僚竝常起居凡起居者止奏聖躬萬福次管軍臣僚竝常起

居該宣名即宣名若得旨免起居更不起居皇帝乘輦降自西階稱警蹕

侍衛如常儀出和甯門將至太廟御史臺閣門分引文

武助祭官宗室禮直官贊者引行事執事官俱詣廟櫺

星門外立班再拜奉迎訖退內已奏起居止奏聖躬萬福皇帝乘輦入櫺

星門至大次侍衛如常儀皇帝降輦入大次簾降舍人

承旨敕羣臣各還次以俟立班行禮

晨裸

竝同郊祀前朝享太廟禮但諸帝室既裸鬯後禮儀使引皇帝至別廟后室前裸鬯如上儀

饋食 並同郊祀前朝享太廟禮惟無牛鼎俎

亞終獻

皇帝飲福

神主入室

並同紹興十三年儀注唯飲福不用牛俎

車駕還內

臣僚禁衛等起居迎駕奏聖躬萬福訖以俟從駕還內
並如來儀禮部郎中奏解嚴宣贊舍人承旨敕羣官各
還次將士各還其所

宋史樂志紹興別廟樂歌五首

升殿崇安 新廟肅肅嚴事以時陟降階城雍容有

儀鞠躬周旋罔敢不祇祝史正辭靈其恪思

奉俎肅安 肇嚴廟祀爰圖遺芳物必稱德或陳或

將有縟其儀有苾其香靈兮來下割烹是嘗

懿節皇后室酌獻明安 曾沙表慶正位椒庭徽音

杳邈宮壺儀刑虔修祀事清酌惟馨縮以包茅昭格

明靈

亞終獻嘉安 霄漢月墮郊原露晞徽音如在延佇

來歸有酒既清累觴載祇神具醉止燕衍怡怡

徹豆甯安 仙馭弗返眇邈清都薦此嘉穀既豐既

腴莫享有成鼓樂愉愉徹我豆籩率禮無踰

乾道別廟樂歌三首

詣廟乾安 涓選休辰于秋之杪既齊既戒爰假祖

廟有仙儀坤舊章是倣享祀奚為天子純孝

升殿乾安 宗祀九筵先薦闕宮陟自東階煌煌袞

龍於穆聖善監茲禮容是享是宜介福無窮

懿節皇后室酌獻歆安 不顯文母厚德維坤仙馭
雖邈徽音固存瑟彼玉瓚酌此鬱尊簡簡穰穰裕我
後昆

文獻通考太廟時享儀注

時日

太常寺預於隔季以孟春擇日享太廟別廟關太史局

孟夏孟秋孟冬並准此若臘享則預於隔季以季冬臘日享太廟別廟太史局擇日報太常寺

以其日太常寺參酌訖具時告散告

齋戒

前享十日受誓戒於尚書省其日五鼓贊者設位版於

都堂下初獻官在左刑部尚書在右並南向亞終獻位

於其南稍東北向西上若冬享臘享則又設禮官位於終獻之東其揖位尚揖位皆准此監察御

史位於其西稍北東向兵部工部尚書押樂太常卿光

祿卿押樂太常丞光祿丞位於其南稍西北向東上凡設

丞光祿丞皆稍前奉禮協律郎太祝太官宮闈令位於其東西向

北上捧俎官薦香燈官位其後贊明贊者引行事執事

官就位立定禮直官引初獻降階就位禮直官贊揖在

位者對揖初獻搢笏讀誓文云某月某日孟春薦享太

廟別廟夏云孟夏秋云孟秋冬云孟冬臘享云季冬臘享各揚其職不其其事國有常

刑讀訖執笏禮直官贊奉禮協律郎太祝太官宮闈令

以下先退餘官對拜乃退散齋七日治事如故宿於正

寢不弔喪問疾作樂判書刑殺文書決罰罪人及與穢

惡致齋三日光祿卿丞太官令齋二日於本司宗室於睦親宅都廳如相妨即於宗學餘官無本司者並於太廟齋

坊質明至齋所唯享事得行其餘悉禁前享一日質明俱赴祠所

齋宮官給酒饌享官已齋而闕者通攝行事

陳設

前享三日儀鸞司設饌幔於東神門外別廟饌幔于木

廟每室饌幔各一若冬享則設配享功臣次于殿下橫街之南東西相向每室配享功臣各為一次若臘享則設七祀次一於橫街之北道西東向前

二日有司牽牲詣祠所前一日宮闈令帥其屬掃除廟

之內外太常設祭器凡設祭器皆藉以席籩豆又加巾蓋以俟告潔既畢權徹有司陳

牲於東神門外當門西向祝史各位於牲後太常設省

牲位於牲西三獻官在道南北向兵部工部尚書押樂

太常卿光祿卿押樂太常丞光祿丞奉禮協律郎太祝

太官宮闈令在道北南向俱西上凡設押樂太常丞以下位皆稍卻若享日則不設光祿卿

東神門外卻東道北南向設省饌位版於禮饌之南三

獻官在南北向西上監察御史在西東向兵部尚書押

樂太常卿光祿卿押樂太常丞光祿丞奉禮協律郎太

祝太官宮闈令在東西向北上捧俎官薦香燈官在其

後太常設登歌之樂於太廟別廟殿上前楹間卻南北

向設宮架於太廟庭中立舞表於鄼綴之間享日升前

五刻禮直官贊者諸司職掌各服其服宮闈令入殿開

室整拂神幄帥其屬掃除鋪筵在室內北牖下南向几

在筵上如常儀太常陳幣篚各於神位前之左贊祝版

各於神位之右置於坵次祭器實之每室左二十有六

籩為四行以右為上右二十有六豆為四行以左為上

俎二一在邊前實以羊腥七體一在豆前實以豕腥七體又俎六在豆右

為三重以北為上第一重實以羊豕首各一第二重實以羊腥腸胃肺膈

在登前實以羹簋八在邊豆外二俎間簋在左簋在

右簋實以稻粱梁在稻前登一在邊之左實以豕

東實以豕爐炭於室戶外之左稍前置蕭蒿於篚設尊鬯於

殿上為二重著尊二加勺霽為上尊一實元酒一實壺尊二禮齊初獻酌之

加勺霽齊亞終獻酌之春夏設雞彝一并舟在著尊之右

實以鬱鬯初獻酌之秋冬臘享則設罍彝加勺霽又設烏彝一并舟在著尊之右

實以明水秋冬臘享則設罍彝太尊二一實泛齊山尊二一實盞齊犧尊二一實沈齊

象尊二一實昔酒鼻皆實以明水俱北向西上皆加霽設而

不酌爵坩三在尊之前太常設燭於神位前若冬享設配享

橫街之南次內若臘享則設七祀司命戶龍中霤門厲行於橫街又設俎二

於東神門外每室饌幔內洗二於東階下直東霤北向

盥洗在東若冬臘享則設七祀司命戶龍中霤門厲行於橫街又設俎二

爵洗在西若冬臘享則設七祀司命戶龍中霤門厲行於橫街又設俎二

以圭瓚及別廟則實以璋瓚執鬯篚者位其後若冬臘享則設七祀司命戶龍中霤門厲行於橫街又設揖

位於東神門外如省牲位唯不設光祿卿丞捧俎開瘞坎於太

廟別廟殿西階之東方深取足容物南出陞設望瘞位

於太廟瘞坎之南如省饌之位唯不設光祿卿丞捧俎又設揖

則積七祀燎柴又設三獻官席位於殿下東階之東南若冬臘享則設七祀司命戶龍中霤門厲行於橫街

南上禮官位於終獻之北兵部工部尚書於其南西向北上監

察御史押樂太常丞席位於殿庭之南北向奉禮協律

郎太祝太官令位其後俱西上光祿卿席位於監察御

史之東北向又設監察御史位於殿上前楹西架東向

奉禮郎太祝在東西向北上押樂太常丞於樂廡之北

太官令於酌尊所俱北向協律郎位二一於太廟殿上

前楹間稍西一於宮架西北俱東向押樂太常卿位於

宮架北北向

省牲器同郊祀前朝

晨裸

享日丑前五刻行事春冬用丑時七刻夏秋用丑時一刻祠祭官引宮闈令入詣殿

庭北向立祠祭官曰再拜宮闈令再拜升殿開室整拂

宗廟時享

神幄帥其屬掃除退就執事位次引薦香燈官入詣殿

庭北向立凡宮闈令薦香燈捧俎祠祭官曰再拜薦香燈官再

拜升殿各就執事位次樂正帥工人二舞入就位太廟別廟登歌

工人俟監察御史點閱訖升西階各就位次太官令光祿丞帥其屬實饌具畢光

祿丞還齋所次引光祿卿入詣殿庭席位北向立贊者

曰再拜光祿卿再拜升殿點視禮饌畢次引監察御史

升殿點閱陳設糾察不如儀者凡點視及點閱皆先詣信祖室以至次室及別廟光祿

卿還齋所餘官各服祭服次引行事執事官詣東神門

外揖位立定禮直官贊揖次引押樂太常卿太常丞協

律郎次引監察御史奉禮郎太祝太官令入就殿下席

位北向立次引初獻兵部工部尚書亞終獻入就殿下

席位西向立若冬享臘享則引禮官祠祭官於殿上贊奉神主次引薦

香燈官入室搢笏於祐室內奉帝主設於座奉神主詣神幃內於几後設

設於座以白雁中覆之執笏退復執事位次引宮闈令奉后主并引別

廟宮闈令奉后主如上儀以青雜巾覆之退復執事位祠祭官於

殿上贊奉神主訖禮直官稍前贊有司謹具請行事贊

者曰再拜在位者皆再拜次引監察御史押樂太常卿

太常丞奉禮協律郎太祝太官令各就位立定太官令贊所

次引初獻詣盥洗位北向立搢笏盥手執笏詣爵

洗位北向立搢笏洗瓚授執事者執笏升殿詣僖祖室

尊彝所西向立執事者以瓚授初獻初獻搢笏跪執瓚

執彝者舉罍太常令酌鬱鬯訖先詣宣祖室尊彝所北

向立初獻以瓚授執事者執笏興詣僖祖室神位前北

向立搢笏跪次引奉禮郎搢笏西向跪執事者以瓚授

奉禮郎奉禮郎奉瓚授初獻初獻執瓚以鬯裸地奠訖

以瓚授執事者次執事者以幣授奉禮郎奉禮郎奉幣

授初獻執笏興先詣宣祖室神位前西向立初獻受幣
奠訖執笏俛伏興出戶外北向再拜次詣宣祖室太祖
室太宗室真宗室仁宗室英宗室神宗室哲宗室徽宗
室欽宗室次降西側階詣別室升西階詣懿節皇后室
安穆皇后室安恭皇后室裸鬯奠幣竝如上儀訖降東
側階由東廊俱復位立協律郎跪俛伏舉麾興工鼓祝
宮架作興安之樂孝熙昭德之舞九成偃麾戛鼓樂止
凡樂皆協律郎跪俛伏舉麾興工鼓祝而後作偃麾戛鼓而後止既晨裸薦香燈官入取毛血奠於
神座前別廟以太祝太官令取肝以鸞刀制之洗於鬱
鬯貫之以管燎于爐炭薦香燈官以肝管入詔神於室
別廟以太祝又出以陪祭于室戶外之左三祭于茅苴
退復位

饋食

享日有司帥進饌者詣廚以匕升羊實于一俎肩胛膈在上
端正脊一直脊一橫脊一長脊一短脊一代脊一背二骨一竝在中次升豕如羊實于一俎每室豕一入
設於饌幔內俟初獻既升裸訖捧俎官及執事者捧俎
入詣西階下北向上次引兵部工部尚書詣西階下
搯笏捧俎兵部奉羊工部奉豕升殿宮架豐安之樂作詣僖祖神位
前北向跪奠先薦羊次薦豕各執笏俛伏興有司入設
於豆右腸胃膚之前羊在左豕在右次詣每室奉俎竝如上儀樂
止次詣別廟奠俎如前太廟之儀唯登歌作肅安之樂降東側階由
東廊復位初奠俎訖次引薦香燈官取蕭合黍稷揆於
脂燎於爐炭當饋熟之時薦香燈官取菹揆於醢祭于
豆間三又取黍稷肺祭如初俱藉以茅別廟以太祝退
復位次引太祝詣僖祖室前東向立次引初獻再詣盥
洗位宮架正安之樂作初獻升降行止皆作正安之樂至位北向立搯笏盥

五禮通考卷之二十三 宗廟時享

手悅手執笏詣爵洗位北向立搢笏洗爵拭爵以授執
 事者執笏升殿上登歌樂作詣僖祖室酌尊所西向立
 樂止登歌基命之樂作執事者以爵授初獻初獻搢笏
 跪執爵執尊者舉冪太官令酌著尊之醴齊訖先詣宣
 祖室酌尊所北向立初獻以爵授執事者執笏興入詣
 僖祖室神位前北向立搢笏執事者以爵授初獻初獻
 執爵祭酒三祭于茅苴奠爵執笏俛伏興出戶外北向立
 樂止次太祝搢笏跪讀祝文讀訖執笏興先詣宣祖室
 戶外東向立初獻再拜次詣每室及詣別廟行禮竝如
 上儀初獻詣別廟升階登歌作崇安之樂酌獻行禮登歌立作敬安之樂初獻將降階登歌作降階
 樂止宮架樂作復位樂止文舞退武舞進宮架作正安
 之樂舞者立定樂止次引亞獻詣盥洗位北向立搢笏
 盥手悅手執笏詣爵洗位北向立搢笏洗爵拭爵以授

執事者執笏升殿詣僖祖室酌尊所西向立宮架作武
 安之樂禮洽儲祥之舞執事者以爵授亞獻搢笏跪執
 爵執尊者舉冪太官令酌壺尊之盃齊訖先詣宣祖室
 酌尊所北向立亞獻以爵授執事者執笏興詣僖祖室
 神位前北向立搢笏跪執事者以爵授亞獻亞獻執爵
 祭酒三祭于茅苴奠爵執笏俛伏興出戶外北向再拜
 次詣每室并別廟行禮竝如上儀亞獻詣別廟酌獻登歌並作嘉安之樂初亞獻
 既入太室引終獻詣洗及升殿行禮竝如上獻之儀訖
 俱降復位若冬享則候終獻將升次引禮官詣盥洗位搢笏盥手悅手執笏詣次位行禮竝如上儀退復位若臘享則候終獻將升次引禮官詣盥洗位搢笏盥手悅手執笏詣司命神位前搢笏跪執爵三祭酒奠爵執笏俛伏興出戶北向再拜禮官再拜詣每位前行禮竝如分獻配享功臣之儀退復位次引太祝徹
 邊豆邊豆各一少移故處登歌恭安之樂作別廟當安之樂卒徹樂止次引宮
 闈令束茅訖俱復位禮直官曰賜胙贊者承傳曰賜胙

再拜在位者皆再拜送神宮架興安之樂作一成止祠
 祭官於殿上贊奉神主入祔室次引薦香燈官指笏奉
 帝主入祔室薦香燈官先捧置於神座執笏退復位次引宮闈
 令奉后主并引別廟宮闈令奉后主入祔室並如上儀
 退復位祠祭官於殿上贊奉神主入祔室訖次引初獻
 兵部刑部尚書亞終獻就望瘞位若冬享臘享則又有司詣
 室取幣束茅苴於坎次引監察御史押樂太常丞奉禮
 協律郎太祝就望瘞位立定禮直官曰可瘞實土半坎
 本廟宮闈令監視別廟殿下宮闈令監視次引初獻以下詣東神門外
 揖位立禮直官贊禮畢揖訖退若臘享則次引禮直官詣西神門
燎此未焚訖退太官令帥其屬徹禮饌次引監察御史詣殿監視
 收徹訖還齋所宮闈令闔戶以降太常藏祝版於匱光
 祿卿以胙奉進監察御史就位展視光祿卿望闕再拜

乃退

宋史樂志攝事十三首

降神理安 肅肅清廟昭事祖禩柔盛苾芬四海牙
 祭皇靈格思令容有睟降福孔皆以克永世
 太尉行正安 裸鬯溥將賓尸在位帝德升聞孝思
 光被公卿庶正傳御師氏至誠感神福祿來暨
 奠瓚瑞安 瀉清育物瑞木成文元氣陶冶非烟郁
 氛玄貺昭格至和所熏登歌裸獻肸蠁如聞
 奉俎豐安 麗碑割牲以魚以烹博碩肥膋薦羞神
 明祖考來格享于克誠如聞警欵式燕以甯
 酌獻僖祖室大善 肅肅藝祖肇基鴻源權輿光大
 燕翼貽孫載祀惟永慶流後昆威靈在天顧我思存
 順祖室大甯 思文聖祖長發其祥錫羨蕃衍德厚

流光眷命自天卜世聿昌祇肅孝享降福無疆
翼祖室大順明明我祖積德累仁居晦匿耀邁種
惟勤帝圖天錫輝光日新寢廟釋繹昭事同寅
宣祖室大慶泱泱我祖時惟鷹揚潛德弗耀發源
靈長肆類配天永思不忘來顧來享百福是將
太祖室大定赫赫太祖受命于天赤符啟運威加
八埏神武戡難功無間然翼翼丕承億萬斯年
太宗室大盛穆穆太宗與天合德昧且丕顯乾乾
翼翼敷佑下民時帝之力永懷聖神孝思罔極
真宗室大明煌煌真宗善繼善承經武耀德臻于
治平封祀禮樂丕昭鴻名陟配文廟身圖永寧
徹豆豐安鼎俎既陳邊豆既設金玉在庭師工就
列備物有嚴著誠致潔孝維時思禮以雍徹

送神理安神之來兮風肅然神之去兮升九天排

凌兢兮還恍惚羽旄紛兮蕭燔烟

紹興以後時享二十五首

迎神興安黃鍾爲宮奉先嚴祀率禮大經時思致
享肅薦芳馨竭誠備物樂奏和聲真馭來止熙事克
成

大呂爲角聖靈在天九關崇深風馬雲車紛其顧

臨擁祥儲休昭答孝心孝孫受祉萬福是膺

太簇爲徵嘉承和平秩祀爲先乃練休辰祝史告

虔內心齊明祀具吉蠲交際恍惚如在後前

應鐘爲羽道信於神神靈燕娛酒有嘉德物惟其

時緩節安歌樂奏具宜欣欣樂康福祿綏之

奉俎豐安王假有廟子孫保光奉牲以告玉俎膏

香專精厲意神其迪嘗休承靈意申錫無疆
初獻盥洗正安 恪恭祀典涓選休成設洗致潔直
於東榮嘉觴祗薦明德惟馨祖考來格享茲孝誠
升殿正安 冠佩雍容時惟上公享于清廟陟降彌
恭遵豆靜嘉粢盛潔豐孝孫有慶萬福來同
僖祖室酌獻基命 於穆文獻自天發祥肇基明命
錫羨無疆子孫千億宗社靈長神之格思如在洋洋
宣祖室酌獻天元 天啟炎厯集我大命長發其祥
篤生上聖夷亂芟荒乾坤以定時祀聿修孝孫有慶
太祖室酌獻皇武 赫赫藝祖受天明命威加八紘
德垂累聖祀事孔明有嚴笙磬對越在天延休錫慶
太宗室酌獻大定 明明在上時維太宗允武允文
丕基紹隆於肅清廟昭報是豐皇靈格思福祿來同

真宗室酌獻熙文 於穆真皇維烈有光丕承二后
奄奠萬方威加戎狄道格穹蒼歆時禋祀降福無疆
仁宗室酌獻美成 至哉帝德乃聖乃神恭己南面
天下歸仁歷年長久垂裕後人祀修舊典寶命維新
英宗室酌獻治隆 炎基克鞏赫赫英宗紹休前烈
仁化彌隆篤生聖子堯湯比蹤烝嘗萬世福祿來崇
神宗室酌獻大明 於昭神祖運撫明昌肇新百度
克配三王遐荒底績聖武維揚永言執競上帝是皇
哲宗室酌獻重光 於皇濬哲適駿有聲率時昭考
丕顯儀刑功光大業道協三靈永綏厥後來燕來甯
徽宗室酌獻承元 天錫神聖徽柔懿恭垂衣拱手
遵制揚功配天立極體道居中佑我烈考萬福攸同
欽宗室端慶 於皇欽宗道備德宏允恭允儉克類

五禮通考卷之三十三
三
克明孝遵前烈仁翊函生歆茲肆祀永燕宗祫
高宗室大德於皇時宋自天保定高宗受之再僕
景命紹開中興翼善傳聖於千萬年永綏厥慶
孝宗室大倫聖人之德無加於孝思皇孝宗履行
立教始終純誠非曰笑貌於萬斯年是則是倣
光宗室大和維宋治熙帝統于理萬姓厚生三辰
順軌對時天休以燕翼子肅唱和聲神其有喜
文舞退武舞進正安肅肅清廟於顯維德我祀孔
時我奏有翼秉翟載駿有來于戚神之燕娛休祥允
格
亞終獻文安觀德宗祏奕世烈光有嚴祀典粵循
舊章樂諧九變獻舉重觴燕娛如在戩穀穰穰
徹豆恭安禮備樂成物稱誠竭相維辟公神人以

說歌雅一章諸宰斯徹天子萬年無競維烈

送神興安霜露既降時思展禋在天之御睠然顧

歆樂成禮備言歸靡停既安既樂福祿來成

上仁宗英宗徽號一首

入門升殿顯安於穆仁祖寵綏萬方執競英考迄

用成康圖徽寶冊有烈其光庶幾億載與天無疆

上英宗尊號一首

入門正安在宋五世天子神明羣公奉冊迺揚鴻

名金書煌煌適昭厥成思皇多祐與天同聲

增上神宗徽號一首

升殿顯安於惟禰廟乃聖乃神秉文之士作起惟

新建官稽古一視同仁庶幾備號以享天人

紹興十四年奉上徽宗冊寶三首

冊寶入門顯安 於鑠徽考如天莫名迨茲丕揚擬
純粹精溫玉鏤文來至於祊有嚴奕奕禮備樂成
冊寶升殿顯安 金字煌煌瑤光燦燦羣工奉之登
此寶殿對越祖宗式遵成憲威靈在天來止來燕
上徽號顯安 惟精惟一乃聖乃神鴻名克揚茂實
斯賓如禹之功如堯之仁孝思永慕用詔無垠
淳熙十五年前上高宗徽號三首
冊寶入門顯安 於穆高皇功德兼隆稱天以誅初
謚未崇載稽禮典揚徽垂鴻涓日之良登進廟宮
冊寶升殿顯安 有瑑斯寶有編斯冊導以麾仗奏
以金石禮威盛容煌煌赫赫臣工奉之高靈來格
上徽號顯安 中興之烈高掩商宗揖遜之美放勳
比隆字十有六擬諸形容威靈在天裕後無窮

慶元三年奉上孝宗徽號三首

冊寶入門顯安 巍巍孝廟聖德天通同符藝祖克
紹高宗有儀有冊載推載崇鏤玉繩金登奉祐宮
冊寶升殿顯安 文金晶熒冊玉輝潤統緒乎堯德
全于舜勤崇推高子孝孫順冠德百王萬年垂訓
上徽號顯安 金石充庭珩璜在列繪畫乾坤形容
日月巍巍功德顯顯謨烈垂億萬年鴻徽昭揭
文獻通考郊祀大禮前二日朝獻景靈宮行禮儀注
陳設
前朝獻三日儀鸞司設大次於齋殿又設文武侍臣次
於大次之前隨地之宜行事助祭官宗室及有司次于
宮之內外各隨地之宜設東方南方客使次于文官之
後西方北方客使次于武官之後又設饌幔於殿門外

隨地之宜前二日郊社令帥其屬埽除宮之內外太常
 設燎爐於殿門之外又陳登歌之樂於殿上前楹間稍
 南北向設宮架於殿門外隨地之宜立舞表於鄼綴之
 間前朝獻一日奉禮郎禮直官設皇帝位版於阼階上
 南向飲福位于聖像之西南北向望燎位于殿下之東
 南向贊者設亞終獻位於阼階之東稍南南向大禮使
 左僕射於西階之西稍南東向與亞終獻行事戶部禮部
 刑部尚書吏部刑部侍郎光祿卿讀冊官舉冊官光祿
 丞於其西光祿丞執事官位又於其後奉禮郎搏黍太祝
 太社太官令位於亞獻之北西向稍卻監察御史位二
 於大禮使之北東向俱稍卻又設協律郎位二一於殿
 上磬虞之西北一於宮架西北俱東向押樂太常丞於
 登歌樂虞北押樂太常卿位於宮架之北良醞令於酌

尊所俱北向又設文武助祭官宗室位於行事執事官
 之南東西相向諸方客使位於殿門之外隨其方國又
 設告潔位於殿門之外設大禮使左僕射位於道西東
 向行事吏部戶部禮部刑部尚書吏部刑部侍郎押樂
 太常卿光祿卿讀冊官舉冊官押樂太常丞光祿丞奉
 禮協律郎搏黍太祝太社太官令位於道東西向北上
 禮協律郎搏黍太祝太社太官令位於道東西向北上
押樂太常丞
以下位稍卻 監察御史位於尚書之右異位稍卻光祿陳禮
 饌於殿門內在南北南向太常設省饌位版於禮饌之南
 大禮使左僕射在南北北向西上監察御史位二在西東
 向行事吏部戶部禮部刑部尚書吏部刑部侍郎押樂
 太常卿光祿卿讀冊官舉冊官押樂太常丞光祿丞奉
 禮協律郎搏黍太祝太社太官令在東西向北上禮部
 帥其屬設祝冊案於殿上之西司尊彝帥其屬設玉幣

籩於酌尊所次設邊豆簋簠之位於聖像前左十有一
邊右十有一豆俱為三行俎一在邊前簋一簠一在邊
豆外簋在左簠在右又設尊罍之位著尊二壺尊二皆
有罍加冪設而不酌竝在殿上稍南北向西上又設邊
豆簋簠俎各一於饌幔內設御盤匱於阼階上并供進
盤匱帨巾內侍座竝於皇帝版位之後分左右奉盤者北
執巾者南向又設亞終獻盥洗爵洗於其位之北盥洗在東
在東加勺籩在洗西南肆實以巾若洗爵之籩則又實以爵執罍篚者各
位于其後朝獻日行事前太常府卿帥其屬陳幣於篚
幣蒼少府監帥其屬入陳禮神之玉置於聖像前玉以四
祿卿帥其屬入實邊豆簋簠邊三行以右為上第一行形體在前棗
乾秉次之第三行棗在前次桌乾柿次之豆三行以左為上第一行芹菹在前
菹菁菹葵菹次之第二行籩在前麩筋松脯鹽脯次之第三行鮓食在前瓜壘醬

次之簋實以黍蓋實以稗太官令帥其屬入實俎邊前之俎實以乳餅良醢令帥其屬
入實尊著尊二一實元酒一實醴齊皇帝酌之壺尊二一實元酒一實益齊亞
尊二一實沈齊一實事酒象尊二一實昔酒有司設神御殿禮饌及
供奉之物如常儀太常設燭於聖像前又設大禮使以
下行事執事官揖位於殿門外如告潔之位儀鸞司設
神位版幄又設冊幄於殿門外各隨地之宜
省饌

前朝獻一日質明太社令帥其屬埽除宮之內外訖司
尊彝帥執事者以祭器入設於位凡設祭器皆藉以席邊豆又加巾蓋太府卿
少府監入陳玉幣告潔畢權徹少頃禮直官贊者分引大禮使
以下竝常服詣殿門外告潔位禮直官贊揖訖贊者
引押樂太常卿入行樂架凡亞終獻行事皆禮直官太常博士引大禮
次引禮部尚書入升自西階使執政官行事皆禮直官引餘官皆贊者引階內應奉官并執事祇應人

各隨應奉階升降

次引左僕射申晁滌濯執事者皆舉纂曰潔俱退復位禮直官稍前曰告潔畢請就省饌位揖訖引大禮使以下各就位禮直官贊揖有司省饌具畢禮直官贊省饌畢揖訖俱還齊所次引禮部尚書詣厨晁濯溉次引刑部尚書詣厨實鑊水刑部侍郎增沃鑊水協律郎展祀樂器乃還齊所晡後太社令帥其屬埽除宮之內外學士院以祝冊授通進司進御書訖降付尚書禮部

車駕自大慶殿詣景靈宮

朝獻日文武侍祠行事助祭之官宗室非從駕者先詣景靈宮祠所次禮直官宣贊舍人引禮部侍郎詣大慶殿奏請中嚴少頃又奏外辦皇帝履袍詣大慶殿鳴鞭行門禁衛諸班親從等諸司祇應人員以下各自贊常起居

次知客省事以下樞密都承旨以下知內侍省事以下御帶器械官應奉祇應通侍大夫以下武功大夫以下及幹辦庫務文臣一班常起居俟皇帝即御座從駕宰執使相以下一班次管軍臣僚並常起居若得免起居皇帝乘輿鳴鞭出行宮北門將至景靈宮御史臺太常寺閣門分引文武侍祠行事執事助祭之官宗室于宮櫺星門外立班再拜奏御訖退已起居者止奏聖躬萬福皇帝乘輿將及門從駕宰執侍從等繫行事前導者先退各服祭服皇帝乘輿入櫺星門至大次降輿以入簾降侍衛如常儀以俟行事

奉玉幣

朝獻日未行事前諸行事及助祭之官各服其服太祝奠冊於案太府卿少府監入陳玉幣光祿卿入實邊豆簋簋太官令入實俎良醢令入實尊彝樂正帥工人二

五禮通考卷九十三 宗廟時享

七

舞以次入與執尊罍篚冪者各就位次御史臺太常寺
閣門宣贊舍人分引文武助祭官及宗室客使入就位
次禮直官贊者分引大禮使以下行事執事官詣殿門
外揖位立禮直官贊揖訖先引監察御史案視殿之上
下糾察不如儀者降階就位次引大禮使以下各入就
位次禮儀使樞密院官太常卿閣門官太常博士禮直
官分立於大次外左右次引禮部侍郎詣次前奏請中
嚴少頃又奏外辦符寶郎奉寶陳於宮架之側隨地之
宜禮儀使當次前俛伏跪奏禮儀使臣某言請皇帝行
事奏訖俛伏興還侍立禮儀使奏此簾捲皇帝服袞冕以出
侍衛如常儀禮儀使以下前導至殿門外殿中監跪進
大圭禮儀使奏請執大圭前導皇帝入自正門侍衛不應入者止於門外
協律郎跪俛伏舉麾興工鼓祝宮架乾安之樂作皇帝升降行止

皆奏乾安之樂至阼階下偃麾戛敵樂止凡樂皆協律郎跪俛伏舉麾興工

升自阼階大禮使從皇帝升降大禮使皆從登歌樂作左右侍衛之官量入數從升至版

位西向立樂止禮儀使以下分左右侍立凡行禮皆禮儀使樞密院官太常卿閣門

官太常博士禮直郎前導至位分立於左右禮儀使前奏有司謹具請行事宮架作

大安之樂發祥流慶之舞俟樂作三成止先引左僕射

吏部尚書侍郎升詣聖祖座前立左僕射吏部尚書俱

西向北上吏部侍郎東向樂作六成樂止禮儀使奏請

再拜皇帝再拜贊者曰再拜在位官皆再拜內侍取玉

幣於篚立於尊所又內侍各執盤匱帨巾以進宮架樂

作禮儀使奏請皇帝搢大圭盥手內侍進盤匱沃水皇

帝盥手內侍進巾皇帝帨手訖又奏請皇帝執大圭樂

止禮儀使前導登歌靈安之樂作殿中監跪進圭禮儀

使奏請搢大圭執鎮圭前導皇帝詣聖祖座前北向立

內侍先設纁藉於地禮儀使奏請跪奠鎮圭於纁席執大圭俛伏興又奏請搢大圭跪內侍加玉於幣以授吏部尚書吏部尚書以授左僕射左僕射西向跪以進禮儀使奏請授玉幣皇帝受奠訖吏部侍郎東向跪受以興進奠於聖像前左僕射吏部侍郎權於殿上稍西東向立吏部尚書降復位禮儀使奏請執大圭俛伏興又奏請再拜皇帝再拜訖樂止禮儀使奏前導皇帝還版位登歌樂作至位西向立樂止內侍舉鎮圭纁藉以鎮圭授殿中監以授有司

薦饌

朝獻日太官令以饌實於俎及籩豆簠簋陳於饌幔內東西向立組實以乳餅籩實以粉資豆實以糝食籩實以梁簠實以黍稷俟皇帝升奉玉幣訖還位樂止次引禮部尚書詣饌所執籩豆簠簋以入戶部

尚書詣饌所奉俎以入太官令引入正門宮架吉安之樂作設於西階下北向北上奉俎者在南次引禮部尚書搢笏執籩豆簠簋戶部尚書搢笏奉俎以升執事者各迎於階上禮部尚書奉籩豆簠簋於聖像前北向跪奠訖執笏俛伏興有司設籩於糗餌前豆於醬前簠於稻前簋於黍前次戶部尚書奉俎於聖像前北向跪奠訖執笏俛伏興有司設於豆前樂止俱降復位次引左僕射吏部侍郎詣聖祖座前立左僕射西向吏部侍郎東向次引吏部侍郎奉爵升詣皇帝版位前北向立內侍各執盤匱悅巾以進宮架樂作禮儀使奏請皇帝搢大圭盥手內侍進盤匱沃水皇帝盥手內侍進巾皇帝悅手訖又奏請皇帝洗爵吏部侍郎進爵內侍進巾皇帝拭爵訖樂止又奏請執大圭登歌祖安之樂作吏部

侍郎受爵奉爵詣酌尊所東向立執尊者舉罍良醞令酌著尊之醴齊禮儀使前導皇帝詣聖祖座前北向立禮儀使奏請搢大圭跪吏部侍郎以爵授左僕射左僕射西向跪以進禮儀使奏請執爵進酒再進酒三進酒俱以爵授吏部侍郎吏部侍郎東向跪受爵置于聖祖座前禮儀使奏請執大圭俛伏興又奏請皇帝少立樂止左僕射以下俱復位舉冊官搢笏跪舉祝冊讀冊官搢笏東向跪讀冊文讀訖奠冊各執笏興俱降復位禮儀使奏請再拜皇帝再拜訖禮儀使前導皇帝還版位登歌樂作至版位西向立樂止文舞退武舞進宮架正安之樂作舞者立定樂止禮直官太常博士引亞獻詣盥洗位北向立搢笏盥手悅手執笏詣爵洗位北向立搢笏洗爵拭爵以爵授執事執笏升詣酌尊所東向立

宮架作冲安之樂降真觀德之舞執事者以爵授亞獻亞獻搢笏跪執爵執尊者舉罍太官令酌壺尊之盎齊亞獻以爵授執事者執笏興詣聖祖座前北向搢笏跪執事者以爵授亞獻亞獻執爵三進酒執笏俛伏興少退北向再拜訖樂止降復位初亞獻行禮將畢禮直官太常博士引終獻詣洗及升殿酌獻竝如亞獻之儀訖降復位初終獻既升獻戶部禮部尚書升詣殿西東向立次引殿中監太祝太官令詣飲福位東向立奉豆及爵酒者各立於其後禮儀使奏請詣飲福位前導皇帝登歌樂作將至位樂止又登歌報安之樂作皇帝至飲福位北向立尚醞奉御執尊詣酌尊所良醞令酌上尊福酒合置一尊尚醞奉御酌福酒殿中監西向奉以立禮儀使奏請再拜殿中監跪以爵酒進禮儀使奏請搢

大圭跪受爵祭酒地祭於啐酒奠爵殿中監跪受爵以興
 太官令取黍于簋搏以授太祝太祝受以豆東向跪以
 進皇帝受豆奠之太祝乃受以興降復位次殿中監再
 跪以爵酒進禮儀使奏請受爵飲福酒奠爵殿中監受
 虛爵以興以授尚醞奉御執事者俱降復位禮儀使奏
 請執大圭俛伏興又奏請再拜皇帝再拜樂止禮儀使
 前導皇帝還版位登歌樂作至版位西向立樂止次引
 禮部尚書詣聖像前徹籩豆次戶部尚書徹俎邊豆俎各一俱少移故處
 登歌吉安之樂作卒徹樂止禮部戶部尚書降復位禮
 直官曰賜福酒行事助祭官拜贊者承傳曰賜福酒再
 拜在位官皆再拜送神宮架太安之樂作一成止

望燎

太安之樂畢禮儀使奏請詣望燎位前導皇帝詣望燎

位登歌樂作降自阼階樂止宮架樂作至位南向立樂
 止初賜福酒再拜訖吏部侍郎帥太祝執篚進詣聖祖
 座前取幣祝冊執事官以俎載黍稷飯及爵酒降階置
 於柴上禮直官曰可燎東西各以炬燎半柴禮儀使奏
 禮畢前導皇帝還大次宮架樂作出門外禮儀使奏請
 釋大圭殿中監跪受大圭以授有司侍衛如常儀皇帝
 至大次樂止禮部奏請解嚴次引大禮使以下詣殿門
 外揖位立禮直官贊禮畢揖訖退宣贊舍人等分引文
 武助祭官及宗室客使以次出次引諸神御殿分獻官
 及太祝各入就位太祝在南北向分獻官在東西向神御殿
官太祝俱常服贊者曰再拜在位官皆再拜太祝升詣香案之西
 東向立次引分獻官升詣香案前北向立搯笏三上香
 跪執瓊奠茶三奠酒執笏俛伏興少立太祝跪讀祝文

讀訖以興舉版置於案降復位分獻官再拜訖降復位退其後南郊竝如儀

四孟朝獻景靈宮儀注

齋戒

朝獻前一日皇帝齋於內殿御崇政殿視事如故唯不弔喪問疾作樂有司不奏刑殺文書其行事前導官齋於本司治事如故唯不判書刑殺文書及行刑

陳設

前期有司陳香案及供奉之物於聖祖天尊大帝元天大聖后并諸帝后位前儀鸞司設御幄於殿東廡西向設皇帝褥位於殿下東階之東西向及鋪設黃道衲褥并逐香案前褥位內第二日上

朝獻

其日質明皇帝服履袍出內卽御座鳴鞭行門禁衛諸班親從等諸司祇應人員已下於崇政殿各自贊常起居次從駕臣僚并應奉前導陪位官并管軍於崇政殿起居如閣門儀訖先退以俟從駕俟皇帝自崇政殿乘輦出行宮北門將至景靈宮侍臣前導及陪位官於景靈宮櫺星門外殿門外迎駕起居再拜訖次有司引陪位官先詣殿下北向立禮直官太常博士太常卿詣御幄前北向立禮直官引侍臣二員升殿詣聖祖天尊大帝香案前東西相對立諸帝后御前卽引侍臣一員於香案前西向立俟進接茶酒畢止於殿上稍東西相對立陪位文武臣入詣殿下北向立定俟皇帝乘輦入櫺星門於東廊便門步至御幄簾降閣門官於東幄前相向立閣門報班齊禮直官太常博士引太常卿於御幄前俛伏跪奏稱太常卿臣某言請皇帝行朝獻之禮奏訖

五禮要考卷七

宗廟時享

三

伏興奏禮畢簾捲太常卿閣門官太常博士禮直官前導
皇帝詣殿下褥位凡行禮皆太常卿閣門官太常博士西向立禮直官前導至位即分立於左右太常
卿奏請拜皇帝再拜贊者曰拜在位官皆再拜訖前導
官前導皇帝升自東階詣聖祖天尊大帝位香案前褥
位北向立內侍奉香太常卿奏請上香再上香三上香
內侍以茶酒授侍臣侍臣西向跪以進又奏請皇帝跪
進茶進酒再進酒三進酒以授侍臣侍臣置於聖祖天
尊大帝位又奏請俛伏興又奏請拜皇帝再拜贊者曰
拜在位官皆再拜訖前導官前導皇帝降自東階詣殿
下褥位西向立奏請拜皇帝再拜贊者曰拜在位官皆
再拜訖前導官前導皇帝還御幄簾降太常卿奏禮畢
訖行事前導陪位官等先詣中殿立班如前殿儀俟皇
帝詣中殿御幄簾降閣門報班齊禮直官太常博士引

太常卿於御幄前俛伏跪奏稱太常卿臣某言請皇帝
行朝獻之禮奏訖伏興奏禮畢簾捲太常卿閣門官太常
博士禮直官前導皇帝詣殿下褥位西向立太常卿奏
請拜皇帝再拜贊者曰拜在位官皆再拜前導官前導
皇帝升殿請宣祖皇帝位香案前褥位北向立內侍奉
香太常卿奏請上香再上香三上香內侍以茶酒授侍
臣侍臣西向跪以進又奏請皇帝跪一奠茶奠酒再奠
酒三奠酒俛伏興又奏請拜皇帝再拜贊者曰拜在位
官皆再拜訖次詣太祖皇帝太宗皇帝真宗皇帝仁宗
皇帝英宗皇帝神宗皇帝哲宗皇帝徽宗皇帝欽宗皇
帝神御神案前行禮竝如上儀訖前導官前導皇帝降
自東階殿下褥位西向立奏請拜皇帝再拜贊者曰拜
在位官皆再拜訖前導官前導皇帝還御幄簾降太常

卿奏禮畢訖陪位行事前導應奉官以次退皇帝歸齊殿以俟還內如來儀次日皇帝自內乘輦入櫺星門將至宮門就露幄降輦步至齊殿由後殿之後至後殿東廊御幄以俟詣元天大聖后次詣昭憲皇后孝明皇后懿德皇后明德皇后元德皇后章穆皇后章憲明肅皇后章懿皇后慈聖光獻皇后宣仁聖烈皇后欽聖憲肅皇后欽成皇后欽慈皇后昭慈聖獻皇后昭懷皇后顯恭皇后顯肅皇后神御香案前行禮竝如前殿中殿之儀

第一日

其日質明皇帝服鞞袍出內卽御座鳴鞭行門禁衛諸班親從等諸司祇應人員以下於後殿各自贊起居次從駕臣僚并應奉前導陪位官等先詣中殿立班如前

殿儀俟皇帝詣中殿御幄簾降閣門報班齊禮直官太常博士引太常卿於御幄前俛伏跪奏稱太常卿臣某言請皇帝行恭謝之禮奏訖伏興奏禮畢簾捲太常卿閣門官太常博士禮直官前導皇帝升詣殿上褥位西向立太常卿奏請拜皇帝再拜贊者曰拜在位官皆再拜訖前導官前導皇帝詣宣祖皇帝位香案前褥位北向立內侍奉香太常卿奏請上香再上香三上香內侍以茶酒授侍臣侍臣西向跪以進又奏請皇帝跪奠茶酒再奠酒三奠酒俛伏興又奏請拜皇帝再拜贊者曰拜在位官皆再拜訖次詣太祖皇帝太宗皇帝眞宗皇帝仁宗皇帝英宗皇帝神宗皇帝哲宗皇帝徽宗皇帝欽宗皇帝神御香案前行禮竝如上儀訖前導官前導皇帝還褥位西向立奏請拜皇帝再拜贊者曰拜在位官

皆再拜訖前導官前導皇帝還御幄簾降太常卿奏禮畢訖陪位行事前導應奉官以次退帝歸齊殿以俟還

內依已降指揮駕回入祥曦殿門

第二日

淳熙九年恭謝分作三日行禮內第二日詣後殿元天大聖后并昭憲皇后至慈聖光獻皇后第三日詣後殿宣仁聖烈皇后

神御

皇帝自內乘輦入樞星門至齊殿降輦步至後殿東廡御幄以俟詣元天大聖后次詣昭憲皇后孝明皇后懿德皇后明德皇后元德皇后章穆皇后章獻明肅皇后慈聖光獻皇后宣仁聖烈皇后欽聖憲肅皇后欽成皇后欽慈皇后昭慈聖獻皇后昭懷皇后顯恭皇后顯肅皇后顯仁皇后神御香案前行禮竝如前殿中殿之儀宋史樂志真宗奉聖祖玉清昭應宮御製十一首降聖真安 巍巍真宇奕奕殊庭規模太紫炳煥丹

青元命祗答大猷是經多儀有踐不應無形肆設金石聲聞杳冥佇迴颺馭永祐基局

奉香靈安 芳氣上缺颺馭下臨紹承丕緒永勵精

明氤氲成霧蔥鬱垂陰虔恭對越介祉攸欽奉饌吉安 發祥有自介福無疆紛綸不應保祐下

方嘉薦斯備雅奏具揚寅威洞達監盼昭章玉皇位酌獻慶安 無體之體強名之名監觀萬寓

繞治九清真期保佑瑞命昭明乾乾翼翼祗答財成聖祖位酌獻慶安 於昭靈貺誕啟鴻源功濟庶彙

慶流後昆蘭肴登俎桂酒盈樽俯迴颺駕永庇雲孫太祖位酌獻慶安 赫赫藝祖受命高穹威加海外

化浹區中發祥宗祐錫祐眇冲欽成積德勵翼精衷太宗位酌獻慶安 明明文考儲精上蒼禮樂明備

溥率賓王功德累洽歷數會昌孝思罔極丕祐無疆
亞終獻冲安 太初非有體至道本無聲降迹臨下
土成功陟上清至仁敦動植丕緒啟宗祊紫禁承來
格鴻基保永甯發祥垂誕告致孝薦崇名廣樂伸欽
奉儲休固太平

飲福慶安 明明始祖誕啟慶基翼翼後嗣虔奉孝

思精潔斯達祉福咸宜于以報貺于以受釐

徹饌吉安 雕俎在御飈駕聞聲真遊斯降旨酒斯

盈大樂云闋大禮云成徹彼常薦罄此明誠

送聖真安 精心既達真遊允臻禮容斯舉福應惟

醇將整僊馭言還上旻永存嘉貺用泰烝民

迎奉聖像四首

並用慶安

玉皇位 玉虚上帝金像睟容宅真雲構練日龜從

維皇對越率禮寅恭靈心丕應福祿來崇

聖祖位 總化在天保昌厥緒降格皇闈瓊輪載御

藻仗星陳睟容金鑄佑我慶基宅茲靈宇

太祖位 烝哉大君聿懷帝祖鎔範真儀奉尊靈宇

至感祥開洪輝物覩瞻謁盡恭飛英率土

太宗位 於顯神宗德洽區中祥金爍冶範茲睟容

殊庭胥宇備物致恭明威有赫降福來同

玉清昭應宮上尊號三首

奉告隆安 登隆妙號欽翼淵宗茂宣德禮有恪其

容奉璋升薦垂佩彌恭揚休詠美以間笙鏞

太初殿奉冊寶登安 皇靈垂祐洪福彌隆祗率綿

寓潔祀真容嚴恭奉冊對越清躬睟容肅穆懿號尊

崇禮成樂舉福祿來同

二聖殿奉絳紗袍登安 赫赫列聖盛德巍然彤彤
靈宇睟儀在焉奉以龍袞被之象天重慶宗稷億萬
斯年

太尉奉聖號冊寶真安 上旻降監介祉實繁邦家
修報妙道歸尊增名宵極奉冊靈軒茂宣聖典永祐
黎元

寶冊升殿大安 圖書昭錫典禮紹成烝民何幸教
父儲靈欽承景貺祇奉崇名致虔寶冊垂祐基局
降神真安 猶龍之聖降生厲鄉教流清淨道符混
茫大君肅謁盛儀允臧森羅羽衛躬薦蕭薌簪紱濟
濟鐘石洋洋高真至止介福誕祥

奉玉幣靈安 琳宮奕奕黼坐煌煌玉帛成禮颺馭
延祥鴻儀有則景福無疆嘉應昭協丕猶誕揚

奉饌吉安 金奏以諧颺遊斯格靈監章明皇心勵

翼肅奉雕俎來升綵席享德有孚凝禧無斁

酌獻大安 欽崇至道肅謁殊庭順風而拜明德唯

馨颺馭來格尊酒斯盈是酌是獻心通杳冥

飲福大安 彼渦之壤捐李之區千乘萬騎來朝密

都躬陳芳薦款接仙輿飲酒受福永耀鴻圖

亞終獻正安 邈矣道祖冥幾惚恍常德不離至真

無象引位清穹降祥神壤酌醴薦誠控颺來享

送神真安 醴醖在戶金奏在庭籩豆有踐黍稷非

馨義盡蠲潔誠通杳冥言旋風駟祚我修齡

太極觀奉冊寶一首

登安之曲 薦號穹冥登名祖禰陟配陽郊協宣典

禮感電靈區誕聖鴻懿冊寶斯陳福祿來暨

景靈宮奉冊寶一首

登安之曲 穆穆真宗錫羨蕃昌
飈輪臨貺諄誨洞

景祐元年親享景靈宮二首

彰虔崇懿號祗答景祥至誠致享
降福無疆

降真太安

真館奉幣潔齊致馨靈因斯格
社稷慶

甯

大觀三年朝獻景靈宮二首

送真太安 椒漿尊享珍饌精祈
睟容杳邈瑤輅霞

飛 奉饌吉安 威靈洋洋靡有常饗
於惟欽承來假來

饗博碩芬香是烝是享奉器有虔
載德無爽 爾牲

高宗郊前朝獻景靈宮二十一首

既充是烹是肆爾肴既具是羞是饋
非物之重唯德

之備神之格思歆我精意

皇帝入門乾安 維皇齊居承神其初
駟昂昂龍

步雲趨景鐘鏗如肅觀清都肸蠶之
交神人用孚

升殿乾安 帝既臨享馨茲精意對越
在天爰升紫

陛孔容翼翼保承丕緒孝奏天儀永
錫爾類

降聖太安 惟德馨香升聞八方粵
神臨之來從帝

鄉萬靈景衛有燁其光監我精神降
福穰穰

盥洗乾安 齊居皇皇瓊琚鏘鏘承
祭之初其如在

旁挹彼注茲儲禧迎祥神之聽之欣
欣樂康

聖祖位乾安 涓選休辰有事嘉薦
琅琅瓊佩陟降

巖殿其陟伊何幣玉斯奠周旋中禮
千億儲羨

聖祖位奉玉幣臨安 上靈始祖雲
景元尊嚴祀夙

展六樂朱軒明玉之潔豐帛之溫暢
乃繼序承德不

高宗郊前朝獻景靈宮二十一首

愆

還位乾安 我后臨享奠幣攸畢式旋其趨架度有

式禮容齊莊孝思純實天休滋至時萬時億

奉饌吉安 百職駿奔來相於庭奉聖以告登茲芳

馨際天蟠地默運二靈神兮來歆祚我休平

再盥洗乾安 有嚴大禮對時休明情文則粲蠲潔

必清再臨觀盥以專以精真游來格永觀厥成

再詣聖祖位乾安 於赫炎宋十葉華耀屬茲郊報

陟降在廟其降伊何椒漿桂酒再拜斟酌永御九有

聖祖位酌獻祖安御製 瑤源誕啟玉牒肇榮覆育郡

言監觀圓清酒醴既洽登薦惟誠無有後艱駿惠雲

仍 還位乾安 奠鬯告成式旋厥位天步雍容神人燕

喜九廟觀德百靈薦祉子孫其昌垂千萬祀

文舞退武舞進正安 於皇樂舞進旅退旅一弛一

張笙磬具舉豈惟翫聲象德是似神鑒孔昭福祿來

予 亞終獻沖安 五音飭缺神既億康澹其容與薦此

嘉觴有來顯相銷玉鏘鏘奉承若宥罔不齊莊

飲福報安 嘉薦既終神貺斯復賚我思成靈光下

燭孝孫承之載祇載肅敷錫庶民函蒙祉福

還位乾安 帝臨閔庭逆缺上靈神鳩安坐肅若有

承嘉觴既申德聞唯馨靈光留俞祚我億齡

徹饌吉安 普淖既薦苾芬孔時神嗜而顧有來燕

娛饗矣將徹載欽載祇展詩以侑益臻厥熙

送真太安 雍歌既徹熙事備成神夕奄虞忽乘青

冥靈心回瞻監我精禋誕降嘉祉休德昭清
降殿乾安 我秩元祀上推靈源展事有恤禋威肅
然丹城既降秉心益虔荷天之休於千萬年
望燎乾安 奕奕靈宮有嚴祀燔燎具揚禮儀既
備帝心肅祗天步旋止對越在天永膺蕃祉
還大次乾安 帝將於郊昭事上祀爰茲畢觴復卽
于此飈游載旋容旌沓騎唯皇嘉承錫祚昌熾

高宗明堂前朝獻景靈宮十首

降聖大安 德唯馨香升聞八方粵神之從燦然有
光駿飛乘蒼啾啾踰踰消搖從容顧予不忘
升殿乾安 帝既臨享龍馭華耀孝孫承之陟降在
廟誠意上交慶陰下冒天休駢至千億克紹
聖祖位奠玉幣靈安 玉氣如虹豐繒充筭既奉既

將亦奠在位有永羣后實相祀事何以臨下心意不
貳

奉饌吉安 瓊琚鏘鏘元衣繡裳薦嘉升香粢盛芬

芳禮儀莫愆鼓鐘皞皞曾孫之常綏福無疆

聖祖位酌獻祖安 裴回若留靈其有喜薦我馨香

挹茲酒醴我祖在天執道之紀申佑無疆奏神稱禮

文舞退武舞進正安 進旅退旅載執干戚不愆於

儀容服有赫式妥式侑神保是格靈鑒孔昭孝思惟

則

亞終獻冲安 用舊

飲福報安 於赫大神總司元化監我純精威光來

下延昌之貺千億憑藉曾孫保之丕平是迓

徹饌吉安 洋洋降臨肅肅布列熙事既成嘉遵告

徹九天儲慶垂佑無缺寢明寢昌綿綿瓜瓞
送真太安 高飛安翔持御陰陽幽贊圓穹監觀四
方元精回復奄虞孔良畢觴降嘏偃蹇于驤
望燎乾安 奕奕原祠有嚴茲祀禮儀孔宣燔燎斯
暨帝心肅祇天步旋止熙事既成永膺蕃祉

孝宗明堂前朝獻景靈宮八首

盥洗乾安 合宮之享報本奉先欽惟道祖濬發璿
源駕言謁款其盥惟虔尚監精衷錫祚綿綿
聖祖乾安 駿命有開慶基無窮祇率百辟仰瞻睟
容鼓鐘斯和黍稷斯豐靈其居歆福祿來崇
還位乾安 嘉玉既設量幣既陳髣髴靈游來顧來
甯對越伊何厥惟一純佑 我熙事迄以成
奉饌吉安 發祥僊源流澤萬世曷其報之親饗三

歲相維列卿潔粢是饋匪物之尚誠之為至

再詣盥洗乾安 華燈熒煌瑞煙氤氳威神如在

潔必親再盥於壘再悅於巾皇心肅祇其敢憚勤

再詣聖祖位乾安 歲逢有年月旅無射我將我饗

如幾如式肅爾臣工諧爾金石本原休功垂裕罔極

還位乾安 旨酒思柔神具醉止工祝既告孝孫旋

位何以酢之純嘏來備燕及雲來蕃衍無已

文舞退武舞進正安 象德之成有奕其舞一弛一

張進旅退旅嘒以管簫和以鏞鼓神其樂康永錫多

祐

甯宗郊前朝獻景靈宮二十四首

皇帝入門乾安 闕幄邃深雲景杳冥天清日晬展
容玉庭締基發祥希夷降靈神其來燕是饗是聽

升殿乾安 帝居瑤圖璇題玉京日月經振列宿上

榮桂簋飴芬瑚器華晶寅承禋祀用戒昭明

降神太安六變圓鐘為宮 四靈晨耀五緯夕明風

雲晏和天地粹清靈兮來迎靈兮來迎啟我子孫饗

于純精

黃鐘為角 芬枝揚烈煩珠叶陶闔珍闡符展詩舞

箭神哉來下神哉來翱肅若有承靈心招搖

太族為徵 龍車既奏鳳馭載翔帝幄佇靈天衢騰

芳神來留俞神來蹇驥禮鬯樂明奏假孔將

姑洗為羽 虹旌蜺旄鸞旗翠蓋星樞扶輪月御叶

衛靈至陰陰靈般裔裔來格來饗福流萬世

盥洗乾安 禮文有俶祀事孔明將以潔告允唯齊

精自盥而往聿觀厥成靈監下臨天德其清

詣聖祖位乾安 維宋肖德欽天顧右於皇道祖不

釐靈祐葛藟殖繁瓜瓞孕茂克昌厥後世世孝奏

聖祖位奉玉幣靈安 高宗御製見前

皇帝還位乾安 桂宮耽耽藻儀穆穆天回袞彩風

韶璜玉成英儼亮容與炳煜假我上靈景命有僕

奉饌吉安 我簋斯盈我簠斯實或剝或烹或燔或

炙有殽既將為俎孔碩禮儀卒度永錫爾極

再盥洗乾安 觴澹初勺禮戒重盥假廟以萃取象

于觀清明外暢精肅中貫我儀圖之三靈攸贊

再詣聖祖位乾安 肇基駿命鞏右鴻業鼎玉龜符

垂固萬葉靈貺具臻神光煜煜暉祚無疆規重矩疊

聖祖位酌獻祖安 高宗御製見前

還位乾安 皇帝瑞慶長發其祥纂系悠遠溯源靈

長德之克明休烈有光配天作極孝享是將
文舞退武舞進正安 持翟成象秉朱就列旄乘整
溢鳳儀諧節揮舒皇文歌蹈先烈合好効懽福流有
截

亞獻冲安 光煥紫幄神流玉房秉文侑儀嘉虞貳
觴震澹醉喜彷彿迪嘗璇源之休地久天長

終獻冲安 靈輿蹇驥畢觴泰筵貳享允穆裸將克
竣垂恩儲祉錫羨永年將以慶成燕及皇天

詣飲福位乾安 若木露英清雲流霞蔓蔓芝秀馮
馮桂華綿瑞無疆產嘏孔奢皇則受之鞏我帝家

飲福酒報安 旨酒惟蘭勺漿惟椒福流瓊擘光燭
琨瑤拜貺清宮凝輝慶霄神其如在徘徊招搖

還位乾安 烝哉我皇繼天毓聖逆釐元都對越靈
慶如天斯久如日斯盛瑤圖濬邈永隆駿命

徹饌吉安 房劔陳列室簋登奉告享具歆展徹惟
拱祥光奕奕嘉氣懔懔受嘏不訾燕天之寵

送真太安 雲車風馬靈其來游天門軼蕩神其莫
留遺慶陰陰祉發祥流康我有宋與天匹休

降殿乾安 璇庭爛景紫殿流光禮洽乾回福應日
昌聖系厯鴻景命溥將德茂功成率祀無疆

詣望燎位乾安 厥初生民淵濬唯祖芳薦旣輟明
燎具舉德馨升聞靈貺蕃詡懷濡上禋佑周之祐

還大次乾安 帝假於宮彝承清祀天暉臨幄宸衛
森峙行繇太室旋趨紫時率禮不違式剪靈祉

理宗明堂前朝獻景靈宮二首餘用舊辭
升殿登歌乾安 我享我將馨茲精意陟降左右維

天與契齊明乃心祗肅在位於萬斯年百福來備
亞獻宮架冲安慶雲郁郁鳴瓊琅澹其容與申
薦貳觴奉承若宥神其樂康錫以多祉源深流長

右宋廟享下

五禮通考卷第九十三

五禮通考卷第九十四

內廷供奉禮部右侍郎金匱秦蕙田編輯 兩淮都轉鹽運使德水盧昌曾
李天保總督蘇若鄰觀城方觀承同訂 直隸按察司副使元和宋崇元 參校

吉禮九十四

宗廟時享

遼史太宗本紀天顯元年冬十一月壬戌即皇帝位癸亥謁太祖廟

禮志謁廟儀至日味爽南北臣僚各具朝服赴廟車駕至臣僚於門外依位序立望駕鞠躬班首不出班奏聖躬萬福舍人贊各祗候畢皇帝降車分引南北臣僚左右入至丹墀褥位合班定皇帝升露臺褥位宣徽贊皇帝再拜殿上下臣僚陪位皆再拜上香畢退復位再拜分引臣僚左右上殿位立進御容酒依常禮若即退再

拜舍人贊好去引退禮畢

太宗本紀天顯三年七月庚午有事于太祖廟十月己酉謁太祖廟四年四月壬子謁太祖廟八月辛丑至自涼陁謁太祖廟己酉謁太祖廟五年四月乙未詔人皇王先赴祖陵謁太祖廟五月乙酉謁太祖廟丁巳拜太祖御容於明殿七月戊子薦時果于太祖廟九月丁亥至自九層臺謁太祖廟十一年四月戊辰謁太祖廟

穆宗本紀應歷五年十月丁亥謁太宗廟十二月乙丑朔謁太祖廟

景宗本紀保甯十年七月庚戌享太祖廟

聖宗本紀統和元年四月庚寅謁太祖廟壬寅致享于凝神殿九月庚申謁宣簡皇帝廟四年十一月戊寅

日南至上率從臣祭酒景宗御容

太平元年十月庚申幸通天觀翌日再幸還并玉輅自內三門入萬壽殿奠酒七廟御容

道宗本紀清甯元年十一月壬申有事于太宗穆宗廟戊寅冬至有事于太祖景宗興宗廟不受羣臣賀三

年十月庚申謁讓國皇帝及世宗廟太康七年六月甲子詔月祭觀德殿歲寒食諸帝在時

生辰及忌日詣景宗御容殿致奠

天祥帝本紀天慶二年十一月丁卯謁太祖廟
蕙田案遼諸帝于宗廟有新必薦有事必告有祭必親奉先思孝于是在矣又令羣臣勿賀何其卓也較之宋朝之煩穢瀆數奚啻逕庭禮制所係于興衰鉅矣

右遼廟享

金史熙宗本紀天眷元年四月壬午朝享于天元殿十一月丙辰以康宗以上畫像工畢奠獻于乾元殿

天眷三年九月己酉親饗太祖廟

皇統元年正月庚戌羣臣上尊號癸丑謝太廟

海陵本紀正隆二年二月辛丑初定太廟時享牲牢禮儀

儀

世宗本紀大定三年十月甲子大享于太廟

禮志大定三年有司言每歲太廟五享若復薦新似涉繁數擬遇時享之月以所薦物附于邊豆薦之以合古者祭不欲數之義制可

世宗本紀大定六年三月戊辰至西京庚午朝謁太祖廟九月至自西京十月甲申朝享于太廟

禮志皇帝恭謝儀大定七年正月世宗受尊號禮畢恭謝前三日太廟令帥其屬灑掃廟庭之內外及陳設尚舍于廟南門之西設饌幔一十一室殿中監帥尚舍視大次殿又設皇帝版位于始祖神位前北向又設飲福位于版位西南少卻又設隨室奠拜褥位于神座前大樂令設登歌于殿上宮縣于殿下又設皇太子位于阼階東南又設親王位于其南稍東宗室王使相位于其後又設太尉司徒以下行事官位于殿西階之西東向每等異位又設文武羣官位于橫階之南東西向又設御洗位于阼階之東又設太尉洗位于西階下橫階之南又設齋郎位于東班羣官之後又設盥洗等官并奉禮贊者大司樂協律郎大樂令等位各如祫享之儀又設尊彝祭器等於殿之上下如時享之儀前一日禮官

御史帥其屬省牲視濯滌如常儀其日質明禮官御史
帥太廟官太祝官宮闈令出神主如時享儀有司列黃
麾仗二千人於應天門外尙輦進金輅于應天門內午
後三刻宣徽院奏請皇帝赴齋宿殿文武羣官並齋宿
于所司次日質明俟諸衛各勒所部屯門列仗導駕官
分左右侍立于殿階下並朝服通事舍人引侍中詣齋
殿俛伏跪稱臣某言請中嚴俛伏興凡侍中奏請準此
皇帝服通天冠絳紗袍少頃侍中奏外辦皇帝出齋殿
卽御座羣官起居訖侍中奏請升輦皇帝升輦以出侍
衛警蹕如常儀導駕官前導至應天門侍中奏請降輦
升輅皇帝升輅門下侍郎俛伏跪奏請車駕進發俛伏
興凡門下侍郎奏請準此車駕動警蹕如常儀至應天
門外門下侍郎奏請車駕少駐敕侍臣上馬侍中前承

旨退稱曰制可門下侍郎退傳制稱侍臣上馬通事舍
人承傳敕侍臣上馬導駕官分左右前導門下侍郎奏
請車駕進發車駕動稱警蹕不鳴鼓吹典贊儀引皇太
子常服乘馬至廟中幕次更服遠遊冠朱明衣執圭通
事舍人文武羣官並朝服于廟門外班迎車駕至廟門
侍中于輅前奏請降輅導駕官步入廟門稍東侍中奏
請升輦皇帝升輦繖扇侍衛如常儀至大次侍中奏請
降輦入就大次皇帝入大次通事舍人分引文武羣官
由南神東西偏門入廟庭東西相向立禮直官引太尉
以下行事官詣橫街北向再拜訖禮直官引太尉詣盥
洗位搯笏盥手俛手執笏詣爵洗位北向立搯笏洗瓚
拭瓚以瓚授執事者執笏由西階升殿詣始祖尊彝所
西向立執事者以瓚奉太尉太尉搯笏執瓚酌鬯詣神

位前以鬯裸地訖以虛瓚授執事者執笏俛伏興出戶外北向再拜訖次詣隨室竝如上儀禮畢降自西階復位禮直官引司徒出詣饌所引薦俎齋郎奉俎并薦籩豆簋簋官奉籩豆簋及太官令以序入自正門宮縣樂作至太階樂止諸太祝迎于階上各設于神座前先薦牛次薦羊次薦豕訖禮直官引司徒已下降階復位典贊儀引皇太子通事舍人引親王由南神東偏門入詣褥位禮直官引中書侍郎舉冊官等升自西階詣始祖室前東西立通事舍人引侍中詣大次前奏請中嚴皇帝服袞冕少頃侍中奏外辦侍中詣廟庭本位立皇帝將出大次禮儀使與太常卿贊導凡禮儀使與太常卿贊導竝博士前引俛伏跪稱臣某贊導皇帝行禮俛伏興前導至東神門撤繖扇近侍者從入殿中監跪進

鎮圭禮儀使奏請執圭皇帝執圭宮縣樂作奏請詣壘洗位至位樂止內侍跪取匱興沃水又內侍跪取槃承水時寒預備溫水禮儀使奏請搢鎮圭皇帝搢鎮圭盥手內侍跪取巾於篚興進皇帝洗手訖奉爵官以爵跪進皇帝受爵內侍捧匱沃水又內侍跪捧槃承水皇帝洗爵訖內侍跪奉巾以進皇帝拭爵訖內侍奠槃匱又奠巾於篚奉爵官受爵禮儀使奏請執鎮圭前導皇帝升殿左右侍從量人數升宮縣樂作皇帝至阼階下樂止皇帝升自阼階登歌樂作禮儀使前導皇帝至版位樂止奏請再拜奉禮郎贊皇太子以下在位羣官皆再拜贊者承傳皆再拜禮儀使前導皇帝詣始祖尊彝所樂作至尊所樂止奉爵官以爵涖尊執尊者舉罍侍中跪酌犧尊之汎齊訖禮儀使導皇帝至版位再拜訖禮

儀使奏請詣始祖神位前褥位登歌樂作禮儀使奏請
搢主跪奉爵官以爵授奉爵酒官以進禮儀使奏請執
爵皇帝執爵三奠酒訖以虛爵授奉爵酒官禮儀使奏
請執圭俛伏興樂止奉爵酒官以爵授奉爵官禮儀使
奏請詣隨室竝如上儀禮直官先引司徒升自西階立
于飲福位之側酌獻將畢奉酢酌福酒太祝從司徒立
于其側酌獻畢侍中亦立于其側禮儀使奏請皇帝詣
版位北向立登歌樂作至位樂止中書侍郎跪讀冊訖
舉冊官奠訖禮儀使奏請皇帝再拜拜訖禮儀使奏請
詣飲福位登歌樂作至位太祝酌福酒于爵時寒預備
溫酒以奉侍中侍中受爵奉以立禮儀使奏請搢主跪
侍中以爵北向跪以進禮儀使奏請執爵三祭酒禮儀
使奏請飲福飲福訖以虛爵授侍中禮儀使奏請受酢

司徒跪以黍稷餽邊進皇帝受以授左右司徒又跪以
胾肉進皇帝受以授左右禮儀使請執圭興再拜訖樂
止禮儀使前導皇帝還版位登歌樂作至位樂止太祝
各進徹籩豆登歌樂作卒徹樂止奉禮曰賜酢贊皇太
子以下在位羣官皆再拜贊者承傳皆再拜宮縣作一
成止禮儀使奏請皇帝再拜奉禮郎贊皇太子已下在
位官皆再拜拜訖禮儀使奏禮畢前導皇帝降阼階登
歌樂作至階下樂止宮縣作前導皇帝出東神門樂止
織扇侍衛如常儀禮儀使奏請釋圭殿中監跪受鎮圭
至大次轉仗衛于還途如來儀禮官御史帥其屬納神
主藏冊如儀少頃通事舍人引侍中奏請中嚴皇帝服
通天冠絳紗袍少頃侍中奏外辦侯尙輦進輦侍中奏
請降座升輦皇帝升輦織扇侍衛如常儀至南神門稍

東侍中奏請降輦步出廟門皇帝步出廟門至輅侍中奏請升輅皇帝升輅門下侍郎奏請車駕少駐敕侍臣上馬侍臣前承旨退稱曰制可門下侍郎退傳制稱侍臣上馬通事舍人承傳敕侍臣上馬車駕還內鼓吹振作至應天門外百官班迎起居宮縣奏采芡之曲入應天門內侍中奏請降輅乘輦皇帝降輅乘輦以入繖扇侍衛警蹕如常儀皇帝入宮至致齋殿侍中奏解嚴通事舍人承旨敕羣臣各還次將士各還本所

世宗本紀大定九年十月辛丑詔宗廟之祭以鹿代牛著為令丙午大享於太廟

禮志大定十年正月詔宰臣曰古禮殺牛以祭後世有更者否其檢討典故以聞有司謂自周以來下逮唐宋祫享無不用牛者唐開元禮時享每室各用太牢一至

天寶六年始減牛數太廟每享用一犢宋政和五禮新儀時享太廟親祠用牛有司行事則不用宋開寶二年詔昊天上帝皇地祇用犢餘大祀皆以羊豕代之合二羊五豕足代一犢今三年一祫乃為親祀其禮至重每室一犢恐難省減遂命時享與祭社稷如舊若親祀宗廟則共用一犢有司行事則不用

世宗本紀大定十一年十一月丙戌朝享于太廟禮志大定十一年尚書省奏案唐禮四時各以孟月享于太廟年終又臘享歲凡五享若依海陵時歲止兩享非天子之禮宜從典禮歲五享從之享日竝出神主前廊序列昭穆應圖功臣配享廟庭各配所事之廟以位次為序以太子為亞獻親王為終獻或竝用親王或以太尉為亞獻光祿卿為終獻其月則停時享

朝享儀 享前三日太廟令帥其屬掃除廟之內外點
檢司於廟之前約度設兵衛旗幟尙舍於南神門之西
設饌幔十一南向以西爲尙殿中監帥尙舍陳設大次
於殿又設小次於阼階下稍南南向又設皇帝拜褥位
殿上版位稍西又設黃道褥于廟門之內外自玉輅至
升輦之所又自大次至東神門又設七祀位一于殿下
橫街之北西街之西東向配享功臣位于殿下道東橫
街之南西向北上前二日大樂令設宮縣之樂于庭中
四方各設編鐘三編磬三東方編鐘起北編磬間之東
向西方編磬起北編鐘間之西向南方編磬起西編鐘
間之北方編鐘起西編磬間之俱北向設特磬大鐘鋪
鐘共十二於編縣之內各依神位樹路鼓路鼗於北縣
之內道之左右晉鼓一在其後稍南植建鼓鞀鼓應鼓

于四隅建鼓在中鞀鼓在左應鼓在右置祝敔于縣內
祝一在道東敔一在道西立舞表于鄼綴之間設登歌
之樂于殿上前楹閒金鐘一在東玉磬一在西俱北向
祝一在金鐘北稍西敔一在玉磬北稍東搏拊二一在
祝北一在敔北東西相向琴瑟在前其匏竹者立于階
閒重行北向諸工人各位於縣後前一日太廟令開室
奉禮郎帥其屬設神位於每室內北墉下各設斧辰一
莞席一纁席二次席二紫綬厚褥一紫綬蒙褥一曲几
一直几一又設皇帝版位于殿東閒門內西向又設飲
福位于東序西向又設亞終獻位于殿下橫街之北稍
東西向助祭親王宗室使相位在亞終獻之後助祭宗
室位在橫街之南西向奉瓚官奉瓚盤官進爵酒官奉
爵官等又在其南奉匱盤巾篚官位于其後七祀獻官

位在奉爵官之南助奠讀祝奉壘洗爵洗等官位于其後司尊彝官位在七祀獻官之南亞終獻司壘洗爵洗奉爵酒官等又在其南竝西向北上大禮使位于西階之西稍南與亞終獻相對太尉司徒助祭宰相位在大禮使之南侍中執政官又在其南禮部尚書太常卿太僕卿光祿卿功臣獻官在西與冊光祿丞太常博士又在其西功臣助奠壘洗爵洗等官位于功臣獻官之後又設監祭御史位二千西階下俱東向北上奉禮郎太廟令太官令太祝官闈令祝史位于亞獻終獻奉爵酒官之南薦籩豆簠簋官薦俎齋郎又在太祝奉禮郎之南太廟丞太官丞俱位于令後協律郎位二一在殿上前楹間一于宮縣之西北俱東向大樂令于登歌樂縣之北大司樂于宮縣之北良醞令于酌尊所俱北向又

設助祭文武羣官位于橫街之南東向北上又設光祿卿陳牲位于東神門外橫街之東西向以南爲上設廩犧令位于牲西南北向諸太祝位于牲東各當牲後祝史各陪其後俱西向設禮部尚書省牲位于牲前稍北又設御史位于禮部尚書之西俱南向禮部帥其屬設祝冊案于室戶外之右司尊彝帥其屬設尊彝之位于室戶之左每位肆彝一黃彝一犧尊二象尊二著尊二山壘二各加勺罍玷爲酌尊又設瓚盤爵玷于篚置于始祖尊彝所又設壺尊二太尊二山壘四各有玷罍在殿下階間北向西上設而不酌七祀功臣每位設壺尊二于座之左皆加罍玷于內酌尊加勺皆藉以席奉禮郎設祭器每位四簋在前四簠次之次以六瓚次以六鉶邊豆爲後左十有二籩右十有二豆皆濯而陳之藉

以席籩豆加以巾蓋于內邊一豆一簋一簋一并俎四
設于每室饌幔內又設御洗二于東階之東又設亞終
獻盥洗于東橫街下東南北向壘在洗東篚在洗西南
肆實以巾又設亞終獻爵洗于壘洗之西壘在洗東篚
在洗西南肆實以巾爵并坩執巾壘巾篚各位于其後
享日丑前五刻太常卿帥執事者設燭于神位前及戶
外光祿卿帥其屬入實籩豆籩之實魚鱠糗餌粉餈乾
棗形鹽鹿脯榛實乾棗桃菱芡栗以序爲次豆之實芹
菹荀菹葵菹菁菹韭菹醢食魚醢兔醢豚拍鹿醢醢醢
糝食以序爲次又鉶實以羹加芼滑登實以太羹籩實
以稻梁簋實以黍稷梁在稻前稷在黍前良醢令入實
尊彝尊彝黃彝實以鬱鬯犧尊象尊著尊實以元酒外
皆實以酒用香藥酒各加坩勺幕殿下之尊壘壘尊太尊山壘

內除山壘太尊實以元酒外皆實以酒加幕坩太廟令
帥其屬設七祀功臣席褥于其次每位各設莞席一碧
綃褥一又各設版位于其座前又籩豆簋籩各二俎一
每位次各設壺尊二于神座之右北向元酒在西良醢
令以法酒實尊如常加勺幕置爵于尊下加坩光祿卿
實饌左二邊栗在前鹿脯次之右二豆菁菹在前鹿麇
次之俎實以羊熟簋籩實以黍稷太廟令又設七祀燎
柴及開瘞坎于西神門外之北太府監陳異寶嘉瑞伐
國之寶戶部陳諸州歲貢金爲前列玉帛次之餘爲後
皆于宮縣之北東西相向各藉以席凡祀神之物當時
所無者則以時物代之 前一日未後廟所禁行人司
尊彝奉禮郎及執事者升自西階以俟少頃諸太祝與
廩犧令以牲就位禮直官贊者引禮部尙書光祿卿丞

詣省牲位立定禮直官引禮部尚書贊引者引御史入
就西階升徧視滌濯訖執事者皆舉冪曰潔俱降就省
牲位禮直官稍前曰告潔畢請省牲次引禮部尚書侍
郎稍前省牲訖退復位次引光祿卿丞出班巡牲一匝
光祿丞西向曰充曰備廩犧令帥諸太祝巡牲一匝西
向躬身曰肅禮直官稍前曰省牲畢請就省饌位引禮
部尚書以下各就位立定御史省饌具畢禮直官贊省
饌訖俱還齋所光祿卿丞及太祝廩犧令以次牽牲詣
廚授太官令禮直官引禮部尚書詣廚省鼎鑊視濯漑
訖還齋所脯後一刻太官令帥宰人執鸞刀割牲祝史
各取毛血每座其實一豆遂烹牲祝史洗肝于鬱鬯又
取肝膋每座其實一豆俱還饌所 前一日有司設大
駕鹵簿于應天門外尚輦進玉輅于應天門內南向其
日質明侍臣直衛及導駕官于致齋殿前左右分班立
俟通事舍人引侍中俛伏跪奏請中嚴皇帝服通天冠
絳紗袍少頃侍中奏外辦皇帝出齋室即御座羣官起
居訖尚輦進輿侍中奏請皇帝升輿皇帝乘輿侍衛警
蹕如常儀太僕卿先詣玉輅所攝衣而升正立執轡導
駕官前導皇帝至應天門內玉輅所侍中進當輿前奏
請皇帝降輿升輅皇帝升輅太僕卿立授綏導駕官分
左右步導以裏爲上門下侍郎進當輅前奏請車駕進
發奏訖俛伏興退復位侍衛儀物止于應天門內車駕
動稱警蹕至應天門門下侍郎奏請車駕少駐敕侍臣
上馬侍中奉旨退稱曰制可門下侍郎退傳制稱侍臣
上馬贊者承傳勅侍臣上馬導駕官分左右前導門下
侍郎奏請車駕進發車駕動稱警蹕不鳴鼓吹將至太

五禮通考卷之四
廟禮直官贊者各引享官通事舍人分引從享羣官宗
室子孫於廟門外立班奉迎駕至廟門迴輅南向侍中
於輅前奏稱侍中臣某言請皇帝降輅步入廟門皇帝
降輅導駕官前導皇帝步入廟門稍東侍中奏請皇帝
升輿尚輦奉輿侍衛如常儀皇帝乘輿至大次侍中奏
請皇帝降輿入就大次皇帝入就次簾降繖扇侍衛如
常儀太常卿太常博士各分立於大次左右導駕官詣
廟庭班位立俟 享日丑前五刻諸享官及助祭官各
服其服太廟令良醞令帥其屬入實尊鬯光祿卿太官
令進饌者實籩豆簠簋並徹去蓋罍奉禮郎贊者先入
就位贊者引御史太廟令太祝宮闈令祝史與執事官
等各自東偏門入就位未明二刻禮直官引太常寺官
屬并太祝宮闈令升殿開始祖祏室太祝宮闈令捧出

帝后神主設于座以次逐室神主各設于內黼展前置
定贊者引御史太廟令宮闈令太祝祝史與太常官屬
于當階閒重行北向立奉禮郎于殿上贊奉神主訖奉
禮曰再拜贊者承傳御史以下皆再拜訖各就位太樂
令帥工人二舞入就位禮直官贊者各引享官通事舍
人分引助祭文武羣官宗室入就位符寶郎奉寶陳于
宮縣之北皇帝入大次少頃侍中奏請中嚴皇帝服袞
冕侍中奏外辦太常卿俛伏跪奏稱太常卿臣某言請
皇帝行事俛伏興簾捲皇帝出次太常卿太常博士前
導繖扇侍衛如常儀大禮使後從至東神門外殿中監
跪進鎮圭太常卿奏請執圭皇帝執鎮圭繖扇仗衛停
於門外近侍者從入協律郎跪伏舉麾興工鼓祝宮縣
昌甯之樂作至阼階下偃麾戛鼓樂止升自阼階登歌

樂作左右侍從量人數升至版位西向立樂止前導官
分左右侍立太常卿前奏請再拜皇帝再拜奉禮曰眾
官再拜贊者承傳凡在位者皆再拜奉禮又贊諸執事
者各就位禮直官贊者分引執事者各就殿上下之位
太常卿奏請皇帝詣壘洗位登歌樂作至阼階樂止降
自阼階宮縣樂作至洗位樂止內侍跪取匱興沃水又
內侍跪取槃興承水太常卿奏請搢鎮圭皇帝搢鎮圭
盥手訖內侍跪取巾于篚興以進脫手訖奉瓚槃官以
瓚跪進皇帝受瓚內侍奉匱沃水又內侍跪奉槃承水
洗瓚訖內侍跪奉巾以進皇帝拭瓚訖內侍奠槃匱又
奠巾于篚奉瓚槃官以槃受瓚太常卿奏請執鎮圭前
導皇帝升殿宮縣樂作至阼階下樂止皇帝升自阼階
登歌樂作太常卿前導詣始祖位酌尊所樂止奉瓚槃
官以瓚泣鬯執尊者舉幕侍中跪酌鬱鬯訖太常卿前
導入詣始祖神位前北向立太常卿奏請搢鎮圭跪奉
瓚槃官西向跪以瓚授奉瓚官奉瓚官西向以瓚跪進
太常卿奏請執瓚以鬯裸地皇帝執瓚以鬯裸地訖以
瓚授奉瓚槃官太常卿奏請執鎮圭俛伏興前導出戶
外太常卿奏請再拜皇帝再拜太常卿前導詣次位竝
如上儀裸畢太常卿奏請還版位登歌樂作至版位西
向立樂止太常卿奏請還小次前導皇帝行登歌樂作
降自阼階登歌樂止宮縣樂作將至小次太常卿奏請
釋鎮圭殿中監跪受鎮圭皇帝入小次簾降樂止少頃
宮縣奏來甯之曲以黃鍾爲宮大呂爲角太簇爲徵應
鍾爲羽作仁風道洽之舞九成止黃鍾三奏大呂太簇
應鍾各再奏送神通用來甯之曲初晨裸將畢祝史各

奉毛血及肝膋之豆先于南神門外齋郎奉爐炭蕭蒿黍稷各立于肝膋之後皇帝既晨裸畢至樂作六成皆入自正門升自太階諸太祝于階上各迎毛血肝膋進奠于神座前祝史立于尊所齋郎奉爐置于室戶外之左其蕭蒿黍稷各置于爐炭下齋郎降自西階諸太祝各取肝燔于爐還尊所 皇帝升裸太官令帥進饌者奉神于南神門外諸饌幔內以西爲上禮直官引司徒出詣饌所與薦俎齋郎奉俎并薦邊豆簠簋官奉邊豆簠簋禮直官太官令引以序入自正門宮縣豐甯之樂作徹豆至太階樂止祝史俱進徹毛血之豆降自西階以出饌升諸太祝迎于階上各設于神位前先薦牛次薦羊次薦豕及魚禮直官引司徒以下降自西階復位諸太祝各取蕭蒿黍稷搗於脂燎于爐炭訖還尊所贊者

引舉冊官升自西階詣始祖位之右進取祝冊置于版位之西置訖于祝冊案近南立太常卿跪奏請詣盥洗位簾捲出次宮縣樂作殿中監跪進鎮圭太常卿奏請執鎮圭前導詣盥洗位樂止盥手洗爵竝如晨裸之儀盥洗訖太常卿奏請執鎮圭前導升殿宮縣樂作至阼階下樂止升自阼階登歌樂作太常卿前導詣始祖位尊彝所登歌樂止宮縣奏大元之樂文舞進奉爵官以爵涖尊執尊者舉冪侍中跪酌犧尊之泛齊訖太常卿前導入詣始祖室神位前北向立太常卿奏請搢鎮圭跪奉爵官以爵授進爵酒官進爵酒官西向以爵跪進太常卿奏請執爵三祭酒三祭酒於茅苴訖以爵授進爵酒官進爵酒官以爵授奉爵官太常卿奏請執鎮圭興前導出戶外太常卿奏請少立樂止舉冊官進舉祝

冊中書侍郎摺笏跪讀祝舉祝官舉冊奠訖先詣次位
太常卿奏請再拜再拜訖太常卿前導詣次位行禮竝
如上儀酌獻畢太常卿前導還版位登歌樂作至位西
向立定樂止太常卿奏請還小次登歌樂作降自阼階
登歌樂止宮縣樂作將至小次太常卿奏請釋鎮圭殿
中監跪受鎮圭入小次簾降樂止文舞退武舞進宮縣
奏肅甯之樂作功成治定之舞舞者立定樂止 皇帝
酌獻訖將詣小次禮直官引博士博士引亞獻詣盥洗
位北向立摺圭盥手執圭詣爵洗位北向立摺圭
洗爵拭爵以授執事者執圭升自西階詣始祖位尊彝
所西向立宮縣樂作執事者以爵授亞獻亞獻摺圭執
爵執尊者舉幕太官令酌象尊之醴齊訖詣始祖神位
前摺圭跪執事者以爵授亞獻亞獻執爵祭酒三祭酒

于茅苴奠爵執圭俛伏興少退再拜訖博士前導亞獻
詣次位行禮竝如上儀禮畢樂止 終獻除本服執笏
外餘竝如亞獻之儀 七祀功臣獻官行禮畢太常卿
跪奏詣飲福位簾捲出次宮縣樂作殿中監跪進鎮圭
太常卿奏請皇帝執鎮圭前導至阼階下樂止升自阼
階登歌樂作將至飲福位樂止初皇帝既獻訖太祝分
神位前三牲肉各取前腳第二骨加于俎又以邊取黍
稷飴其置一邊又酌上尊福酒合置一尊又禮直官引
司徒升自西階東行立于阼階上前楹間北向皇帝既
至飲福位西向立登歌福甯之樂作太祝酌福酒于爵
以奉侍中侍中受爵捧以立太常卿奏請皇帝再拜訖
奏請摺圭跪侍中以爵北向跪以進太常卿奏請執爵
三祭酒于沙池又奏請啐酒皇帝啐酒訖以爵授侍中

太常卿奏請受胙太祝以黍稷飭邊授司徒司徒跪奉進皇帝受以授左右太祝又以胙肉俎跪授司徒司徒受俎訖跪進皇帝受以授左右禮直官引司徒退立侍中再以爵酒跪進太常卿奏請皇帝受爵飲福飲福訖侍中跪受虛爵興以授太祝太常卿奏請執圭俛伏興又奏請皇帝再拜再拜訖樂止太常卿前導皇帝還版位登歌樂作俟至位樂止太祝各進徹邊豆登歌豐甯之樂作卒徹樂止奉禮曰賜胙行事助祭官再拜贊者承傳在位官皆再拜宮縣來甯之樂作一成止太常卿奏禮畢前導降自阼階登歌樂止宮縣樂作出門宮縣樂止織扇仗衛如常儀太常卿奏請釋鎮圭殿中監跪受鎮圭皇帝還大次通事舍人禮直官贊者各引亭官宗室子孫及從享羣官以次出及引導駕官東神門外

大次前祇候前導如常儀贊者引御史以下俱復執事位立定奉禮曰再拜皆再拜贊者引工人舞人以次出大禮使帥諸禮官太廟令太祝宮闈令升納神主如常儀禮畢禮直官引大禮使以下降自西階至橫街再拜而退其祝冊藏於櫃七祀功臣分奠如祫享之儀

樂志郊祀前朝享太廟樂歌

皇帝入門宮縣無射宮昌甯之曲 郊將升禋廟當告虔錫鑾戾止孝實奉先祀事斯舉有序無愆祇見祖考神意懽然

皇帝升殿登歌夾鍾宮昌甯之曲 皇皇天子升自阼階莫見祖禩肅然有懷百禮已洽八音克諧既昌且甯萬福沓來

迎神宮縣來甯之曲黃鍾宮三奏大呂角二奏太蔟

徵二奏應鍾羽二奏詞同 以實應天報本反始潔
柔豐盛禮先肆祀風馬雲車神之弔矣來止來宜而
燕翼子

皇帝盟洗宮縣無射宮昌甯之曲 有水于壘有巾
于筐祝手拭爵圭袞有煒元酒太羹德馨惟菲萬年
昌甯皇皇負辰

皇帝升階宮縣無射宮昌甯之曲降階 巍巍京師有
嚴神宮聖主戾止多士雲從來享來獻肅肅其容將
昭大報庸示推崇

司徒捧俎宮縣無射宮豐富之曲 陳其犧牲惟純
與精苾芬孝思於昭克誠不疾瘼蠡或剝或亨洋洋
在上以交神明

始祖酌獻宮縣大元之曲 猗歟初基兆我王迹其
命維新貽謀丕赫綿綿瓜瓞國步日闢堂構之成焜

煌今昔

獻祖大昭之曲 以聖繼興成王之孚民從其化咸
奠攸居清廟觀德猗歟偉歟金石備樂以奉神娛

昭祖大成之曲 東夷不庭皇祖震怒神武削平貽
厥聖緒猶室有基垣墉乃樹億萬斯年天保孔固

景祖大昌之曲 於皇藝祖其智如神修法施令百
度維新疆宇日廣海隅咸賓功高德厚耀耀震震

世祖大武之曲 於皇先王昭假于天長駕遠馭麾
斥無前王業猶生孫謀有傳圓壇展禮敢先告虔
肅宗大明之曲 猗歟前人簡惠昭融相我世祖成
茲伐功敷佑來葉帝圖其隆將修熙事先款神宮
穆宗大章之曲 仁慈忠信惟祖之休功光岐下迹

掩商丘言瞻清廟懷想前修神其來格歆茲庶羞
康宗大康之曲 猗歟前王惠我無疆儀刑典法日
靖四方永言孝思於乎不忘昭告大祀祇率舊章
太祖大定之曲 天生聰明俾乂蒸人惟此二國爲
我毆民撻彼威武萬邦咸賓明昭大報推而配神
太宗大惠之曲 維清緝熙於昭明德我其收之駿
奔萬國南郊肇修大典增飾清廟吉蠲純禧申錫
睿宗大和之曲 維時祖功肇開神基昭哉聖考其
德增輝上動天監明命攸歸謀貽翼子無疆之辭
文舞退武舞進宮縣肅甯之曲 先皇開基比迹殷
湯功加天下武德彌光容舞象成干戈威揚於昭報
本懷哉不忘

亞終獻宮縣肅甯之曲 於皇宗祊朝獻維時芬芬

酒醴棣棣威儀誠則有餘神之格思神孫千億神其相之

皇帝飲福登歌夾鍾福甯之曲 皇皇穆穆丕承不基躬親于禋載肅載祗對越在天神歆其誠于以飲酒如川之增

徹豆登歌夾鍾宮豐甯之曲 物維其時既豐且旨苾苾德馨或將或肆神之居歆洽于百禮於萬斯年穰穰介祉

送神宮縣黃鍾宮來甯之曲 濟濟多儀皇皇雅奏獻終反爵薦餘徹豆神監昭回有秩斯祐無疆之福申錫厥後

世宗本紀大定二十六年十一月甲辰朔定閔宗陵廟薦享禮

禮志大定二十六年以內外祖廟不同定擬太廟每歲五享山陵朔望忌辰及節辰祭奠竝依前代典故外衍慶宮自來車駕行幸遇祖宗忌辰百官行禮并諸京祖廟節辰忌辰朔望拜奠雖無典故參酌擬合依舊以盡崇奉之意從之

章宗承安四年七月朝獻于衍慶宮

章宗本紀太和元年十二月勅改原廟春秋祭祀稱朝獻二年正月乙卯始朝獻于衍慶宮五月初薦新于太廟七月乙卯朝獻于衍慶宮三年正月丁丑朝獻于衍慶宮六年七月甲申朝獻于衍慶宮七年正月甲申朝獻于衍慶宮七月庚辰朝獻于衍慶宮八年正月壬申朝獻于衍慶宮七月乙巳朝獻于衍慶宮宣宗本紀貞祐二年正月以邊事未息有司奏請權止

今年朝獻原廟從之三年九月癸酉朝謁世祖太祖

御容於啟慶宮行獻享禮始用樂甲戌朝謁太宗熙宗

睿宗御容行獻享禮

興定元年六月乙卯顯宗忌日謁奠於啟慶宮八月癸

酉太祖忌日謁奠於啟慶宮二年七月以旱災享太

廟四年十二月庚辰臘享于太廟五年正月丁亥

世宗忌日謁奠于啟慶宮

哀宗本紀正大三年四月辛卯親享於太廟

禮志時享有司行事前期太常寺舉申禮部關學士院司天臺擇日以其日報太常寺前七日受誓戒於尚書省其日質明禮直官設版位于都堂之下依已定誓戒圖禮直官引三獻官并應行事執事官等各就位立定贊揖在位官皆對揖訖禮直官以誓文奉初獻官初

獻官搢笏讀誓文某月某日孟春薦享太廟各揚其職
不恭其事國有常刑讀訖執笏七品以下官先退餘官
對拜訖乃退散齋四日治事如故宿於正寢惟不弔喪
問疾作樂判署刑殺文字決罰罪人及預穢惡致齋三
日於本司惟享事得行其餘悉禁一日於享所已齋而
缺者通攝行事 前三日兵部量設兵衛列於廟之四
門前一日禁斷行人儀鑾司設饌幔十一所於南神門
外西南向又設七祀司命戶二位于橫街之北道西東
向又設羣官齋宿次於廟門之東西舍前二日太樂局
設登歌之樂於殿上太廟令帥其屬埽除廟殿門之內
外於室內鋪設神位於北墉下當戶南向設几于筵上
又設三獻官拜褥位二一在室內學士院定撰祝文訖計會
通進司請御署降付禮部置于祝案祠祭局濯滌祭器

與尊彝訖鋪設如儀內太尊二山罍二在室犧尊五象
尊五鳥彝一雞彝一在室戶外之左爐炭稍前著尊二
犧尊二在殿上象尊二壺尊六在下俱北向西上加罍
皆設而不酌并設獻官盥洗位禮部設祝案于室戶外
之右禮直官設版位并省牲位如式 前一日諸太祝
與廩犧令以牲就東神門外司尊彝與禮直官及執事
皆入升自西階以俟禮直官引太常卿贊者引御史白
西階升徧視滌濯執尊者舉冪告潔訖引降就省牲位
廩犧令少前曰請省牲退復位太常卿省牲廩犧令以次
太祝巡牲告備皆如郊社儀既畢太祝與廩犧令以次
牽牲詣廚授太官令贊者引光祿卿詣廚請省鼎鑊甲
視滌漑贊者引御史詣廚省饌俱訖與太常卿等各還
齋所太官令帥宰人以鸞刀割牲祝史各取毛血每室

共實一豆又取肝膋共實一豆置饌所遂烹牲光祿卿帥其屬入實祭器良醢令入實尊彝享日質明百官各服其品服禮直官贊者先引御史博士太廟令太官令諸太祝祝史司尊彝與執壘篚官等入自南門當階間北面西上立定奉禮曰再拜贊者承傳皆再拜訖贊者引太祝與宮闈令捧出后主置于座帝主在西贊者引太祝與宮闈令捧出后主在東贊者引太祝與宮闈令降自西階俱復位奉禮曰再拜贊者承傳在位官皆再拜訖俱各就執事位大樂令帥工人入禮直官贊者分引三獻官與百官俱自南東偏門入至廟庭橫街上三獻官當中北向西上應行事執事官并百官依品重行立奉禮曰拜贊者承傳應北向在位官皆再拜其先拜者不拜訖贊者引三獻官詣廟殿東階下西向立

其餘行事執事官與百官俱各就位訖禮官詣初獻官前請行事協律郎跪俛伏興樂作禮直官引初獻詣盥洗位北向立定樂止搢笏盥手俛手執笏詣爵洗位北向立搢笏洗瓚拭瓚以瓚授執事者執笏升殿樂作至始祖室尊彝所西向立樂止執事者以瓚奉初獻官獻官搢笏執瓚執尊者舉冪太官合酌鬱鬯訖初獻以瓚授執事者執笏詣始祖室神位前樂作北向立搢笏跪執事者以瓚授初獻官初獻官執瓚以鬯裸地訖以瓚授執事者執笏俛伏興出戶外北向再拜訖樂止每室行禮竝如上儀禮直官引初獻降復位初獻將升裸祝史各奉毛血肝膋豆及齋郎奉爐炭蕭蒿黍稷篚各於饌幔內以俟初獻晨裸訖以次入自正門陞自太階諸太祝皆迎毛血肝膋豆於階上俱入奠于神座前齋

郎所奉爐炭蕭蒿篚皆置于室戶外之左與祝史俱降
自西階以出諸太祝取肝管洗于鬱鬯燔於爐炭訖還
尊所 享日有司設羊鼎十一豕鼎十一於神廚各在
鑊右初獻既升裸光祿卿帥齋郎詣廚以七升羊於鑊
實於一鼎肩臂肫胙正脊一橫脊一長脅一短脅一
代脅一皆二骨以竝次升豕及羊實于一鼎每室羊豕
各一鼎皆設局幕齋郎對舉入鑊於饌幔前齋郎抽局
委於鼎右除幕光祿卿帥太官令以七陞羊載于一俎
肩臂肫在上端肫胙在下端脊脅在中次升豕及羊各
載于一俎每室羊豕各一俎齋郎即以局舉鼎先退置
於神廚訖復還饌幔所禮直官引司徒出詣饌幔前立
以俟光祿卿帥其屬實邊以粉養實豆以糝食實簋以
梁實簋以稷俟初獻裸畢復位祝史俱進徹毛血之豆

降自西階以出禮直官引司徒帥薦邊豆簋簋官奉俎
齊郎各奉邊豆簋簋羊豕俎每室以序而進立于南神
門之外以俟羊俎在前豕俎次之邊豆簋簋又次之入
自正門樂作升自太階諸太祝迎引於階上樂止各設
于神位前訖禮直官引司徒以下降自西階樂作復位
樂止諸太祝各取蕭蒿黍稷擣於脂燔於爐炭還尊所
禮直官引初獻詣鬯洗位樂作至位北向立樂止搢
笏盥手帨手執笏詣爵洗位北向立搢笏洗爵拭爵以
爵授執事者執笏升殿樂作詣始祖室酌尊所西向立
樂止執事者以爵授初獻初獻搢笏執爵執事者舉鬯
太官令酌犧尊之汎齊訖次詣第二室酌尊所如上儀
詣始祖神位前樂作北向立搢笏跪執事者以爵授初
獻初獻執爵三祭酒于茅苴奠爵執笏俛伏興出室戶

外北向立樂止贊者引太祝詣室戶外東向搢笏跪讀
祝文讀訖執笏興次詣第二室次詣每室行禮並如上
儀初獻降階樂作復位樂止 禮直官次引亞獻詣盥
洗位北向立搢笏盥手悅手執笏詣爵洗位北向立搢
笏洗爵拭爵以授執事官執笏升殿詣始祖酌尊所西
向立執事者以爵授亞獻亞獻搢笏執爵執尊者舉罍
太官合酌象尊之醴齊訖次詣第二室酌尊所如上儀
詣始祖神位前樂作北向立搢笏跪執事者以爵授亞
獻亞獻執爵三祭酒於茅苴奠爵執笏悅伏興出戶外
北向再拜訖樂止次詣每室行禮並如上儀降階樂作
復位樂止 禮直官次引終獻詣盥洗及升殿行禮並
如亞獻之儀降復位 次引太祝徹邊豆少移故處樂作卒徹
樂上俱復位禮直官曰賜胙贊者承傳曰賜胙再拜在

位者皆再拜禮直官引太祝宮闈令奉神主太祝搢笏
納帝主於匱奉入祔室執笏退復位次引宮闈令納后
主於匱奉入祔室竝如上儀禮直官贊者引行事執事
官各就位奉禮曰再拜贊者承傳應在位官皆再拜禮
直官贊者引百官次出大樂令帥工人次出太官令帥
其屬徹禮饌次引監祭御史詣殿監視卒徹訖還齋所
太廟令闔戶以降太常藏祝版于櫃光祿以胙奉進監
祭御史就位展視光祿卿望闕再拜乃退其七祀春戶
夏竈中霤秋門厲冬行井鋪設祭器入實酒饌俟終獻
將升獻獻官行禮并讀祝文及每歲四孟月臘五享竝
如上儀

樂志時享攝事登歌樂章
初獻盥洗無射宮肅甯之曲 酌彼行潦維挹其清

潔齊以祀祀事昭明顯允辟公沃盥乃升神之至止

歆于克誠

初獻升殿夾鍾宮嘉甯之曲餘同親祀惟不用宮縣濟濟在庭祗

薦有序雍容令儀旋規折矩爰徂于基鳴佩接武敬

恭神明來甯來處

右金廟享

五禮通考卷第九十四

太廟宮闈合率軀主

